

乾隆杭州府志

杭州府志卷七

祠廟 一 府城內

左傳稱祈於四鄺禮記言八蜡城隍之祀與夫水澤昆蟲之祈報載在祀典繇來尚已前志謂宋室南渡多遷汴京祠廟於杭州故叢祠獨盛以今考之尚有仍而不廢者故事相沿時著靈嚮歲時秩祀藉以捍患禦災要皆有功德於民者也至於名人故宇遺愛專祀爲名宦鄉賢所分祀者合於禮經並從甄錄

府城內

錢塘仁和附郭

城隍廟

舊在鳳凰山紹興九年移寶月山三十年勅封

保順通惠侯賜額永固

咸淳志

咸淳間加號曰輔正康濟明

德廣勝王明洪武元年冬奉旨封各府城隍爲監察司民

城隍威靈公三年正祀典詔各處府州縣城隍止稱某府

州縣城隍之神

成化舊志

成化十年寢殿火十一年左布政甯

良右布政杜謙重建宏治十六年御史夏景和重建

萬歷錢塘

縣志萬歷三十五年燬邑人金中丞學會請于制府劉一焜

倡捐重建杭守姚之蘭實董其成張大猷爲記

國朝康熙六年水師副將王虎重修易殿柱爲石三十一年按

察使孟卜重建牌坊并新右司齋廳三十六年翰林學士

揆敘重新廟制山麓爲牌坊歷坡而登前爲廟門進爲儀

門甬道而上為月臺中為神殿東西為齋祓所乾隆六年
鹽驛副使趙司敦捐俸置田十畝二分零給道士徐大紳
等挨房輪管以供正殿香火山麓別有城隍廟未詳創始
西湖志 乾隆二十七年

皇上南巡

御題城隍廟匾恭紀卷首

南巡盛典

宋高宗勅錢塘為郡尚矣維城與隍必有神主之况歲之
豐凶時之水旱民之疾疫求焉必應者哉朕今駐蹕于此
視之不異畿甸重侯美號用加不次之封其歆其承永受
爾祀可特封保順通惠侯楊孟瑛記杭州為浙之名郡
帶江襟海控吳扼楚方嶽所臨為東南大都會重熙累洽
安富阜蕃生聚百萬早作夜思關柝不驚奚所庇憑惟城
惟隍宏治癸亥春雨暘不時苗及田穀巡按御史夏公率
屬吏持瓣香謁城隍告焉仰見棟危門圯乃出贖金命孟

瑛經度其事閱月功告成竊惟積土爲城壁立而垣繚居者屏倚積水爲隍波回而川匯居者塹依真漢之中誰其尸之緬想其神受命上帝專職保民此固百姓所宗有國者所秩祀也

按通志載錢塘縣志云永樂中勅封故按察使周新爲城隍之神明史新按察浙江屢有異政廉聲震天下後爲紀綱誣死臨刑呼曰生爲直臣死爲直鬼無憾矣上尋悟其枉他日見若有人被朱衣立庭中間爲誰曰臣周新也上帝以臣剛直命爲浙江城隍神爲陛下治姦臣貪吏言訖不見据此則杭民崇祀有所自來至錢塘志謂曾經永樂勅封未知所據

英衛公廟 在吳山神伍氏名員字子胥吳王夫差入越

句踐使大夫種行成于吳王許之子胥諫不聽賜屬鏤以死吳人憐之立祠江上名曰胥山唐元和十年刺史盧元輔修景福二年封廣惠侯宋大中祥符五年以海潮衝激州城詔本州歲春秋祭賜忠清廟額封英烈王政和六年加封威顯紹興中加忠壯慶元歷嘉定累封爲忠武英烈威德顯聖王嘉熙三年趙安撫與權又易而新之咸淳志元封順佑忠孝威惠顯聖王咸化舊志明初稱吳行人伍公之神正統十四年重修萬歷八年重建

國朝康熙二十六年建雍正三年

勅封英衛公其廟宇動正項錢糧修理每歲春秋二祭

錢塘縣志

梁簡文帝詩去國資孝本循忠全令名身裏多奇計蘆中
復吐誠偃月交吳艦魚麗入楚營元功推妙筭載籍有餘
聲洪濤猶鼓怒靈廟尚淒清行潦承椒莫按歌雜鳳笙無
勞晉后璧詎用楚臣纓密樹臨寒水疎扉望遠城窗寮野
霧入衣帳積苔生惟有三青鳥歛翅時逢迎王禹偁詩朝
驅下越阪夕照當吳門停車訪古蹟禹禹林烟昏青山海
上來勢若游龍奔星臨斗牛域氣與東南吞九折排怒濤
壯哉天地根落日見海色長風卷浮雲山椒戴遺祠興廢
今猶存殘香弔木客倒樹哀清猿我來久沉抱重此英烈
魂嗟乎屬鏤鋒宜爾國士寬我哉姑蘇臺榛棘曉露繁深
宮麋鹿遊此事誰能論因之毛髮墜落葉秋紛紛瞿佑
詩一過叢祠淚滿襟英雄千古此銷沉江邊敵國方嘗膽
臺上佳人正捧心入郢共知仇已報沼吳誰識恨尤深素
車白馬今何在不及陶朱像鑄金高啟詩地老天荒伯
業空曾于青史嘆遺功鞭屍楚墓生前孝抉目吳門死後
忠魂壓怒濤翻白浪劍埋冤血起腥風我來無限傷心事
盡在胥山烟雨傳傳嚴詩入城山勢海天雄高出樓臺
俯大東日色晚平螺髻外人冢春沸鳳簫中越臣有策憐
醉劍楚客無心恨得弓兩地伯圖俱寂寞獨餘波浪激西
風沈九如詩伍相祠堂春晝長屬雙拜賜念先王風清

鬼馬吹沙磧日落神龍圖石梁江上陰雲浮劍履夜
歸星斗撲衣裳夫差水殿選歌舞十二鳴箏下鳳凰

東嶽廟 在吳山馨如坊宋大觀中建卽東嶽中興觀詳

見寺觀一在山麓高士坊巷本晏公廟舊址

國朝改建稱城南東嶽廟

錢塘縣志

太歲廟 在吳山海會寺西

舊浙江通志

宋紹興初建理宗書

額曰至德之觀元至正間燬行省丞相達實特穆爾重建

元末又燬明天順六年重建每歲迎春奉勾芒神于此

錢塘

縣志

火德廟 宋南渡後建于吳山以奉熒惑之神

西湖游覽志

洪武中布政使王鈞永樂中叅政易杲相繼重修

國朝康熙二十五年燬巡撫金鉉重建雍正六年總督李衛重

修

西湖志

又教場內有神廟最爲顯赫

舊浙江通志

明嘉靖丙

午建

仁和縣志

嘉濟廟

一名江東廟在吳山祀秦贛人石固宋累封王

爵賜今廟額初在崇福里繼徙貢水之東雷崗故又名江

東隆慶三年建

錢塘縣志

惠應廟

在吳山至德觀右俗呼皮場廟有神張森湯陰

人縣故有皮場鎮產蝎螫人輒死神時爲場庫吏素謹事神

農氏禱神殺蝎鎮民德之遂立祠凡疹疾瘡瘍有禱輒應

漢建武間守臣以聞遂崇奉之傍邑皆立廟宋時建廟于

汴京顯仁坊建炎南渡有商立者攜神像至杭舍于吳山
看江亭因以爲廟額曰惠應咸淳德祐累封王爵兩廡繪
二十四仙醫相傳佐神農氏采藥者也明成化間重建湖

遊覽志

按成化志稱廟在城中者四一吳山一萬松嶺一侍郎
橋一元真觀通志西湖志俱止紀其一

汪王廟 在大觀臺之麓祀唐節度使汪華高祖時以保
障有功封越國稱王持節歙宣杭睦婺饒六州軍事宋封
靈惠公明封廣濟惠王

西湖志

汪藻詩臺殿崇閎冠嶺巔行人跪起白雲邊山河霸業三
千里歌舞雲衣五百年鐵馬威神通異域袞龍書命降中

天僊王遺種班班在好乞韓碑記邈綿原注靈惠余祖也
隋未有宜徽之衆本朝以陰兵佐邊境錫今封余通守宣
城故用韓碑事

按北野若蘭村有忠天廟亦祀汪越國公廟有明陸瀚
畫壁

靈濟廟 在吳山祀唐桑憲保姚江人行九俗稱桑九郡
王仕唐宣宗時使海昌卒追封爲神宋建炎間助張浚禦
金人事聞建廟明景泰嘉靖間又以塞黃河功封王爵萬
歷四年重建又巨石山下亦有桑九郡王廟舊志

梓潼帝君廟 一在吳山城隍廟右宋嘉熙間蜀人牟子
才等請立廟元末燬明初重建

國朝康熙二十五年燬巡撫金鉉復建浙中業嶢者奉是爲香
火乾隆四年修二十七年

翠華臨幸

欽賜匾額三十年商籍紳士復捐貲修建城南一在西湖集慶

雜志

在西湖集慶

寺側明萬歷十三年巡撫溫純始建一在孤山四賢祠側
萬歷間南贛巡撫邑人洪瞻祖修內有董其昌書紫府飛
霞額

國朝康熙中燬兩江總督范承勲浙江布政郎廷極重建又貢
院東有佑文祠俗稱文昌閣康熙庚午巡撫張鵬翮建又
觀橋西亦有文昌閣又雍正八年總督李衛于紫陽書院

山頂建文昌祠奉孤山舊祠之像于此浙江通志

水神廟 在峨眉山明萬歷二十五年建廟中有金龍泉

湖山便覽 舊志及陳學易記俱作寶月山今據所在改正

陳學易記杭會城吳山巖然南嚮相傳火形故數有鬱攸之災堪輿家謂宜建水神廟于癸方居天吳以制之耆民姚世民輩遂白于左方伯河東趙公叅政吳郡劉公購地寶月山山北為畝者四甫築基忽地湧出泉極清澈蓋在高山之椒人已異之而復一鯉躍出人更異焉遂名泉曰金龍廟面北構高樓棲神西建宇祀龍君後數步而上卽湧泉在焉翼亭以覆之面南為門周圍繚以垣始作于萬歷戊戌四月落成于今年九月

施公廟 在長慶坊巷口伍公廟之前坡神卽宋殿司小

校施全也成化十一年重建廟前有石坊刻吳山第一廟

又衆安橋亦有施公廟有錢塘縣志

龍神廟 在瑞石山雍正五年

上遣官賁送龍神像于浙

勅封福越滋農龍王總督李衛建祠于大觀臺舊址正殿三楹奉
神位兩側廊廡共六楹外平屋二楹門設柵闌屋如正殿
之數繚以垣墻後建風伯雨師亭凡祀禱必應有司崇祀
特虔西湖志乾隆二十七年

皇上南巡

御題龍神廟匾恭紀卷首

南巡盛
典

旗纛廟 在太平里普濟橋東廟制中爲神宇前爲櫺星
門外爲大門去宇東數十步爲牲房庖湑又東南爲箭亭

宇西爲火藥庫櫺星門之外東西皆齋宿所明洪武三年

建于都司廨後八年徙建今處歲以霜降日祀軍牙六纛

之神

浙江通志

顯忠廟 在長生老人橋西奉漢大將軍霍光俗稱霍使

君廟

西湖遊覽志

葉森記杭之清湖開元宮西有廟曰顯忠土人稱霍使君祠漢大將軍博陸侯也按舊志云吳孫皓時神降于庭自言漢霍光求立祠于金山之嵯場以捍水患宋紹興初建行廟于錢塘之長生橋嘉泰紹定間兩有反風滅火之應紀事傳信廟碑具存元統初夏六月火焦土者萬有餘區民窘急望廟以呼颶風遽轉于是杭之士民聚金葺廟以

答明

蕭王廟 在斯如坊三畝候潮門內祀漢太傅蕭望之

國朝雍正七年總督李衛修

浙江通志

蔣祝贊乾坤正氣萃于蘭陵沉淪經義禮服一燈番氏專政不阿守正遇主累遷極諫靡隱出爲守相化洽平原功高馮翊子惠元元輸粟贖辜壞法不小大言炎炎氣警京兆和親非計懾服鳥孫北蕩客禮柔服彌殷顧命欽承忠貞千古扶進羣英以過奄豎賢傳孤立宋口錄金宏恭石顯爬蜴爲心貝錦中傷金吾迫促和藥自裁義不受辱鞠躬盡瘁歿爲明神禦災捍患廟貌維新遺像式瞻景行仰止敢申贊詞神其鑒此

蕭鄧侯廟 在弼教坊奉漢蕭何宋時廟在汴京南渡後

建廟于此

浙江通志

按郡城蕭相廟一在東里坊奉爲土穀神廟祀尤盛一

在蕭公橋一在南城巷一在睦親坊合弼教坊共五處

二郎神廟 在忠清里神姓鄧名遐字應遠陳郡人自幼

勇力絕人氣節自命桓溫署爲叅軍數從征伐歷冠軍將軍數郡太守號爲名將襄陽城北沔水中有蛟害遐拔劍入水蛟繞其足揮劍截蛟數段而出里人德之共爲立祠以其常爲二郎將故尊爲二郎神祠

仁和縣志

東平忠靖王廟 在南壁秀義坊祀唐揚州大都督張巡

巡故有廟在汴宋南渡初凡汴之有廟者皆得徙祀于杭

嘉靖浙江通志

洪武三十年里人吳興修葺

萬歷錢塘縣志

王鉞廟記略公南陽人死節睢陽廟食于彼可也今廟食于杭能福其民而享其祀者實公忠義塞乎宇宙無所不在所以宋元相繼錫號贈謚炳于章誥遺芳餘烈無間異代

千勝將軍廟

在新橋神張亞夫

仁和縣志

何教廟記略將軍唐御史中丞張巡子也神父守睢陽時
神尚幼善出奇敗賊睢陽死國拜金吾大將軍宋都汴有
廟祀巡神實附之南渡後別祠新安坊橋有騰輒
應咸淳十年封神亭侯加福德二字昭靈貺也

嘉澤廟 俗呼西井寺在湧金門北城下祀唐鄴侯李泌

宋淳熙十一年賜額曰安國景定五年改賜今額

成化舊志

按嘉澤廟名同而神異者二一祀錢塘龍君一祀李泌

祀李泌者亦不一廟一在安樂橋香餅園巷一在豐樂

橋東

通聖廟 在忠清里宋瓊花園內神姓褚名載太傅九世

孫

仁和縣志

姚震記畧褚公遂良州之平安里人孤忠大節爲唐名臣
人敬而慕之立廟崇祀扁曰助聖復以公所居是里既久

族屬衆大乃名其地爲褚家堂迨宋高宗南渡詔移廣陵
瓊花來植其里故吳慶忌居第舊基創飾園囿立神尸之
先是公九世孫名載者性行端潔學問該博先家廣陵得
織綾錦法今里人善織自載始也殆數顯靈異于人里人
及郡邑大夫立廟事之題曰通聖助聖通聖初皆有碑以
紀厥事元季廟圯永樂癸卯士人李用沈榮富等十八人
捐貲重建以妥精靈庶幾助聖與通聖二祠密通
一鄉之間妥佑吾神香火傳之永久顧不美歟

按助聖與通聖自屬二廟而通志附載入昭忠祠下于
廟緣起未詳今別紀之

白澤廟 在純禮坊宋景德中遣中尉梁元帥督漕運行
至海中有猛獸號白澤者出沒海中洪濤陡作運船幾覆
忽見空中一人乘龍馬揮鞭驅逐白澤趨服洪濤頓息糧
運以全因建祠祀之後請勅封土神

舊志案宋不行海
運疑因元制而訛

國朝康熙間里紳顧豹文鳳文等捐資重建

仁和縣志

金華將軍廟 在湧金門內

萬歷舊志

曹杲真定人吳越文穆

王時爲金華令平叛兵有功擢守婺忠懿王朝宋杲鎮撫國中卽城隅浚三池引湖水入城以通舟楫王歸嘉其功賜池名曰湧金立石池上後見神于豐豫門有反風滅火之異

十國春秋

昭節廟 在保安坊後周時有喬亢陸軌者仕爲殿侍東第三班宋太祖受禪二人守宣祐門拒弗納旣乃自他門入二人死之太祖以爲忠聽本班廟祀南渡後立廟吳山

景定中凡三封侯爵

浙江通志下同

安濟廟

在馬坡街俗名祖廟祀宋安濟王張夏初夏治

潮患築石塘自六和塔至東青門人德之立祠堤上今廟址正宋東青門外元始拓入城內宋東青門俗呼菜市門今名太平門與清泰門相距里許今馬坡街在清泰門傍則是廟或卽舊時堤上所立後入城奉爲土穀者也

昭貺廟

在候潮門內渾水閘東宋司封郎官張夏祠

咸淳

志

景祐間夏以司封郎中爲兩浙轉運使作石堤十二里

以捍江杭人德之立祠慶歷二年贈太常少卿大觀二年封寧江侯改封安濟公併賜額昭貺紹興十四年勅贈靈感三十年增順濟尋加爵靈濟顯祐威烈安順王祠之左

右奉十潮神每潮水齧岸禱輒應明成化間工部侍郎李
顒來治潮患禱神患息卽舊址重建

國朝雍正三年

勅封靜安公春秋致祭

錢塘縣志

廣福廟 在鹽橋上祀宋蔣崇仁崇仁世居興德坊喜施
賑攸常平法以家貲糴穀賤糶以救貧者其弟崇義崇信
亦承兄志行之里人立祠祀之咸淳初京尹潛說友請于
朝賜廟額六年封崇仁孚順侯崇義孚惠侯崇信孚佑侯
廟屢燬里人屢新之

西湖游覽志

范府君廟 在梅東高橋舊爲梁大中大夫范述曾故居

解春集今祀宋范文正仲淹里人奉爲土穀神

國朝康熙十一年巡撫范承謨以其苗裔致祭

仁和縣志

華光廟 在布政司署東祀華光神俗稱華光巷宋嘉祐

間建紹興初丞相鄭清之重修元延祐間加封號

錢塘縣志

白馬廟 在鳳山門裏州橋之北宋建炎間建祀磁州都

土地崔府君神姓崔名珏字子玉唐貞觀間徵爲滏陽令

世傳渡康王者卽此

成化舊志下同

三忠廟 在豐樂橋俗名三聖廟始廟食于鳳翔府和尚

原宣和間方臘寇睦討捕者禱于神凱還奏開始封爲侯

中興初屢以陰功助順因建廟賜額旌忠

黃川旌忠觀記旌忠觀者爲宋元豐三臣作也三臣世系以國史詳之高諱永能綏州人景諱思誼晉州人程諱博古河南人元豐五年有事于銀州三君同出戰死事聞朝廷其節資卹優渥尋廟祀之初觀之立也實在清泠橋北隆興受禪上欲斥廟垣之地廣養親之宮乃撤浮屠覺苑寺易之嘉泰辛酉春省城不戒于火一夕宮館蕩爲浮埃主觀陳元直慨悼成績先斥厥儲初得太師韓王請于朝賜內帑錢五百萬已而循和二王復與巨室之所向慕者益以金帛佐其役始事于是年之夏歷三載而克成規模視前益侈

忠佑廟 在按察司署門內左偏宋紹興三十一年以岳

武穆王故宅爲太學立土地祠以祀王王卒時有女尚幼

痛父冤抱銀瓶赴井死元至正中附于祠俗呼銀瓶孃子

廟并在廟東北明正德十四年按察使梁材築亭覆之榜

曰孝娥井

萬歷舊志

方象瑛謁岳忠武家廟記浙江按察司署故宋岳鄂王宅也舊有祠中爲王廟張憲等六人配稍東三楹曰家廟中祀王父母左祀王子雲等五人侍坐右祀夫人女孝娥侍而子婦五亦以次列坐其後有井王女就義處也正德中覆以亭榜曰孝娥井余過而悲之當王之戮力中原也高宗欲爲王營第王辭曰強敵未滅何以家爲此其意視宅第如浮雲卽父母妻子亦同夢幻豈意數百年後俎豆一堂魂魄相聚有如此哉考王廟在杭者二樓霞嶺埋環之所故廟貌巍巍配以一時忠義之士而相尚亦鑄像墓前所以快今古之人心家廟聚族之地則爲別廟爲別寢祀其祖父孫三世而闔以內亦與焉所以表一門之忠孝其不忍忘王一也且王旣千古矣清河坊望仙橋非張循王秦太師故第乎長橋複道無一二遺蹟足供憑弔然卒未_有過而問焉者東窗何處且令人拊心搥臂而不能去嗚呼賢奸之辨可畏也已獨惜奉木主自王而外皆不書生時官爵名氏而王女旣稱節女又曰仙官殊非祀典之正誠攷而更定之曰宋某官贈某諡某某公夫人則各從其氏王女直書之曰孝娥或節女庶亦王父子生死不忘宋之意乎神其稱非王志也楊維禎銀瓶怨樂府岳家父國之楨秦家奴城之傾皇天弗靈嗟我父與兄生不贖父

死不如無生千尺井一尺甕甕中之水精衛鳴陳禹謨
孝娥贊獄也風波仇國之耻井也銀甕冤父之死純孝婦
忠柱砥風靡檜耶
禹耶朽骨永此

周宣靈王廟 在褚家堂廣豐倉側神姓周名雄字仲偉

杭之新城淶渚人宋嘉定四年爲母疾走婺源祈佑于五

顯廟回至衢而卒附童言曰五顯靈威需我輔翌生不封

侯死當廟食郡人于是立廟以屢顯靈進封王爵

仁和縣志

錢養廉周宣靈王像贊并序王生于宋季銳志恢復抑鬱
以致其忠誠激烈固宜與日月爭光矣碑載幻蛙事尤奇
每歲三月四日傳王降生之辰蛙于時候來倏去光彩特
異予所親睹豈非望帝之魂千載未泯耶至捍災禦患數
著靈應里人香火甚虔余感其事并係以贊髯如戟兮目
如炬矯矯如龍兮桓桓如虎大業未醇兮壯心獨苦寧死
爲厲兮毋生而爲鼠英風漠漠兮香雲楚楚
享俎豆于千秋兮永爲我生靈恤災而禦侮

按通志云周宣靈王浙省是處立廟其在杭城者錢養廉序稱生宋季銳志恢復抑鬱以歿在新城者方回廟記止載歿後靈爽不言神生前事徐士晉碑記稱神賈於衢聞母病破浪而行沒於水顯神于衢勅爲江神在衢州者志載肉身歛布加漆現今植立廟中餘同徐記至錢廣居建德縣神廟記則云初名雄改名繆宣少授仙指失足墮水溯波而上香聞數十里因而建廟塑像於衢城西詳觀諸記或稱孝或稱忠或稱仙其說各異然其靈威至今赫然備載各記以俟博考

伏虎廟

在撫寧巷對鎮東樓

錢塘縣志下同

元帥廟 在雄鎮樓西倉橋上

小城隍廟 在保安坊里人奉爲土穀神

萬歷錢塘縣志

總管廟 在清波門流福溝祀金元七總管之神神爲水
神廟始建不可考

國朝雍正七年里人王森等感其靈異改向重建

浙江通志

機神廟 在城東北隅褚河南裔孫諱載得機杼之巧于
廣陵而歸教其里中于是杭之機杼甲天下宋至道元年
始于杭置織務至今勿改杭人立祠祀之又推原其始爲
機杼者復立機神廟神之緣起引淮南鴻烈以爲黃帝之
臣伯余也廟建自

國朝雍正中增拓舊制後日就隤墜里人吳昌龍韓潮等鳩葺甫成旋燬于火頃重加興建肇功于乾隆三十九年十月

次年九月落成

錢塘鵝碑記

龍吟庵 在杭城琵琶街神姓曹名春海寧巖峯人生平好施與製藥療人疾貧者不取其值遠近咸德時歲祲當事建義倉以賑饑神罄資樂助民賴以全活者不啻萬計事婺源五顯神尤虔一日沐浴整衣坐堂上謂其眷屬曰上帝勅吾輔佐五顯神吾奉命赴婺源去矣語畢而逝生于宋寧宗嘉定六年癸酉二月四日卒于宋恭帝德佑二年壬申三月三日明年降臨其家其子建祠奉祀民有水

旱災沴禱之輒應元至順三年漕運克艱神于運河顯聖
遂封大將軍顯應侯明嘉靖間世宗有疾夢一人爲捲簾
奏曰臣曹春衛護聖躬閱數日疾愈加封捲簾使者大將
軍

國朝雍正三年江湖湧當事祈禱潮不爲患具題請封
勅封運德海潮神命布政使佟吉圖

諭祭因建廟于城內琵琶街每年春秋致祭乾隆三十二年三月
鹽道徐綿詳請以公祠爲鹽政香火院

天后宮 在武林門內城北隅

國朝雍正九年總督李衛毀西洋天主堂改建

浙江通志

節孝祠

國朝雍正元年九月初五日欽奉

恩詔內開一旌表節義給銀建坊民間往往視爲具文未曾建立
恐日久仍至湮沒不能使民間有所觀感着于地方公所設立
祠宇將前後忠孝節義之人俱標姓氏于其中已故者則設牌
面于祠中祭祀用以闡幽光而垂永久着該部議奏欽此隨經
部議欽遵各府州縣俱建立忠孝節義祠男祠設石碑一座
女祠設石牌坊一座鐫列姓名用垂永久錢塘仁和二
縣節孝祠俱在吳山下知縣楊夢琰胡作柄奉文建乾隆
四十三年巡撫王亶望重修

忠義祠

在錢塘仁和二縣學宮內

浙江通志

按各縣忠義祠自雍正五年始乾四十一年奉

旨表章明末殉節諸臣下及諸生布衣並許俎豆於鄉
聖朝曠蕩之恩洵自古所罕覩矣

賢良祠

在府學內仁和學西

國朝雍正十年二月初五日奉

上諭我朝從前文武大臣持躬正直奉職公忠樹績建勲完名全
節者朕已降旨于京師建立賢良祠永遠展祀以彰令善因思
外任大臣鎮撫封疆宣猷布化忠勇効命威愛宜民其政績卓
然可紀者身故之後若于本地建立賢良祠俾得永膺祀典既

足慰兵民懿好之公亦足爲後來居官者之勸如近日之將軍
蔡良提督張起雲總兵蘇大有魏翥國皆素有賢聲勤勞王事
而歿于官者允宜在賢良祠之列着直省各于省會之地建立
祠宇其與祀之人若追溯從前恐稽查未確或致濫膺亦未可
定不若卽從近年爲始向後若有應請入祠者該地方官督撫
于一人各具一本請旨不必彙奏其一切事宜着九卿妥議具
奏特諭欽此九卿議覆應令該督撫于各省城建立祠宇將蔡
良張起雲蘇大有魏翥國四員先行製牌入祠永膺祀典
以作楷模其近年各省督撫將軍提鎮等大臣有政績卓
然可紀及此後外任文武諸大臣著有賢名于身後應請

入祠者詳查事實博採公評一人各具一本據實繕奏恭請

欽定一體入祠致祭其祠宇正廳三間廳內正中製造神龕一座有應行入祠之大臣製造牌位安設廳前東立石碑一座西設燎爐一座二門樓一間大門三間大門內東西值房各一間大門外柵欄一道照牆一座工料等費俱于公項內動支工完造冊報部查核每年春秋二祭照各省名宦祠之例令該地方官備辦入于祭祀銀兩開銷所建祠宇應請

欽題賢良祠扁額恭摹刊刻懸掛以光大典以垂萬年奉

旨依議欽此欽遵檄行仁和錢塘二縣擇地興建動支工料銀五百九十九兩于仁和縣學之西如式建造

忠節祠 在寶月山下祠吳行人伍員唐僕射褚遂良宋

少保岳飛明太傅于謙歲以八月十五日致祭

嘉靖浙江通志

昭忠祠 在仁和縣忠清里祀唐右僕射褚遂良里爲遂

良故居舊有祠鄉人歲祀之成化十三年郡人周璟請于

朝詔有司新其廟宇入祀典

萬歷舊志

國朝雍正八年總督李衛重修

浙江通志

宗聖曾子祠 在通江橋河下賢裔會開因宋南遷扈蹕

至杭遂立祠祀

錢塘縣志

按宗聖祠今移瑞石山麓撫中軍巷

二程夫子祠 在吳山之麓祀先儒二程子

舊志

忠孝祠 卽岳武穆王廟右齋祀武穆子繼忠侯雲嫡孫

鄴侯珂萬歷三十五年杭州推官胡來朝采高應科議劾

祠特祀三十六年叅政陳邦瞻以王女銀瓶娘子附像致

祭

萬歷錢塘縣志

李養質碑記按傳侯字曾卿年十二卽偕張憲討金人先登陷陣軍中號曰羸官人弱冠所操槌八十斤從王渡江收復襄漢蔡州河南諸郡大破楊么于洞庭數立奇功王不以爲功張浚陰上其事授武功大夫王力辭以特旨遷三資累表不受鄆城之捷侯以騎兵貫陣橫屍布野烏珠復令師攻穎昌侯及王貴又大敗之中原大振以功遷忠州防禦使王又辭蓋侯知有君父而不知有身王知有祖宗社稷之耻而不知有子之功謁侯像凜凜有生氣若欲

躍馬揮戈從王戰金人而喋血其間其所瞋目張眉又若
街枚數賊臣之誤國然者壯哉侯固岳之孝子宋之忠臣
法宜專祀而僅附廟食予爲憮然會司理胡公署杭州府
事從高應科請出俸金以王廟右齋更創祠宇像侯以祀
王嫡孫鄴侯珂附焉

忠烈二侯祠 在衆安橋南棗木巷祀宋封繼忠侯岳雲

烈文侯張憲雲武穆之子憲武穆部將武穆死于獄二侯

就戮此地里人憐其冤立祠祀之

萬歷舊志

旌德先賢祠 在保安坊旌德觀後舊在西湖蘇隄名先

賢堂宋寶慶二年京尹袁韶奏建以祀鄉先賢許由而下

三十人列女孫氏而下五人三年詔易其額曰旌德觀中

書舍人王暨爲記後罹兵燹徙今處元季復燬明正統十

三年重建成化十一年始建祠以復觀之舊額

萬歷舊志

國朝承歷代增祀祀先賢祠祀唐許由吳伍員漢嚴光吳凌統
晉范平褚陶孫晷孫宋卜天與范叔孫齊褚伯玉顧歡杜
京產梁范元琰范述曾褚修唐褚亮褚遂良駱賓王褚無
量許遠顏真卿李泌陸贄白居易章成緬五代錢鏐羅隱
宋錢俶郎簡唐介趙抃蘇軾林逋謝絳錢彥遠錢明逸錢
藻朱弁王庶沈遘朱蹕陸詵錢勰吳師仁虞奕吳師禮崔
貢滕茂實宗澤李綱王十朋張九成岳忠武施德操楊由
義陳禾呂祖謙李執楊濬余古李宗勉俞烈趙汝談葉時
趙希琯洪咨夔徐應鑣朱清徐復謝翱元吾衍楊載金履

祥許謙陳斗龍鄒世聞明方孝孺鄭濂鄭澐張翺夏誠高
暉王良陳鏞鄒幹王琦于忠肅夏時正江玳柴車魏驥朱
鏞夏時倪岳商輅項麒吳誠金洪洪鐘孟春江瀾丁養浩
施魯李旻陳珂鄒濟鄒虞胡世寧王守仁孫燧邵銳江曉
許相卿陳荆獻李璣衡江曜許應元許貫之張瀚陳克昌
方九敘張涑姚良弼童漢臣翁相吳源張濂沈詔茅瓚陳
善徐子方何琮陳洪濛陶大臨王世名楊周高儀邵大章
張椿孫本許應亨顧言凌立郭孝馬三才孫枝郭維垣江
圻朱璣李逢春許三省宋應昌錢立柴祥孔承祀沈楠潘
頤龍嚴大紀黃裳顧鈐林梓錢華沈文許子良黃應奎楊

兆坊徐桐王化江鐸陳禹謨黃思道馮夢正朱印凌登名
陳洽沈瑞臨方可立鍾化民顧汝學聶心湯許仲譽陳植
樟凌登瀛陳學易張鳴鶴錢養廉高從禮姚文蔚翁汝遇
林逢春黃克謙汪有功徐履嚴子茂沈守正胡引嘉郭金
科毛偉李唐黃汝亨李中華李中楫倪元璐施邦曜凌義
渠周鳳翔吳麟徵陳良謨吳太冲錢有聲吳甘來沈光祚
顧咸建王道焜陸培陳潛夫翁常豫劉宗周祁彪佳王寅
國朝范承謨王佑賢王法章章士斐錢封許昭遠凡二百二十
七人

錢塘縣志

祠右爲女貞祠一名表貞祠祀漢曹孝娥東吳

孫徐氏晉浣紗女虞潭母孫氏孫晷妻虞氏唐馮孝女莫

何氏宋章瓊妻盛氏岳銀瓶女楊由義母諶氏徐元娘文
文媛元姚孝女黃仲起妻朱氏鄒世聞妻李氏王貞婦郭
貞烈陳孝女翁氏姊朶那氏畏吾氏三女曹處女玉英黃
蔡氏馮氏明夏思誠妻王氏胡義姑楊孝女泰奴鄭璽妻
魏德盛朱道宏妻陳氏秦烈婦顧氏吳寶秀妻陳烈婦包
謙妻鄭氏聞顯宗妻郭氏李子塾妻陳氏字孫登名滿聖
姑顧之球妻薛烈婦呂詢妻居貞娥高瑞妻郎貞婦凌貴
妻張節母李逢春妻聞孝婦林恩妻沈氏凌貞女淑英李
鸞妻陸氏錢賢母杜氏周貞女昭姑席吳氏林陳氏毛沈
氏吳王氏鄒張氏張錢氏葛潘氏丁貞娥黃胡氏李貞姑

陸鄒氏蕭唐氏朱楊氏朱吳氏項萬氏陳氏文婉于氏永
壽孔氏妙真勞氏妙祥周氏妙江孫楊氏陸張氏倪氏金
呂氏姚蔣氏高貞娥朱錢氏王鄭氏何范氏何葉氏朱氏
秀蘭朱氏毓秀徐貞女葉氏妙清徐氏淑順俞氏敬淑陳
張氏李沈氏陳貞女王志清吳孫氏陳小奴華王氏陳妙
善林貞女

國朝李蔡氏許三姑王邵氏王四姑楊王氏汪王氏孫楊氏王
茹氏顧李繁計趙氏張汪氏朱姚氏吳姚氏王潘氏許盧
氏凡百有四人

縣冊

按通志稱祠祀者百九十九人列女九十七人後按叙

歷代增祀先後最爲詳悉而不及列女錢塘志稱先賢女貞人數而姓氏不載今備錄之又錢塘志載舊志有而未入冊或冊有而未奉主者宋袁韶明朱履諸允修諸燮潘翊

國朝張存仁王一麟周瞻岷呂蘭周德澍周家桂顧懋顧燥祚謝重綸十四人明凌張氏字王李貞婦陸張氏字沈徐貞女

國朝李項氏沈韓氏章高氏吳戴氏張汪氏沈呂氏崔李氏羅孫氏鍾程氏仲曾氏楊余氏李沈氏謝吳氏沈張氏程趙氏周沈氏孫徐氏翁王氏孫包氏王孫氏仲牟氏汪凌氏汪

馬氏楊杜氏林曾氏施孫氏高王氏管楊氏周奚氏周張氏張王氏三十五人今仍附載于此

昌文侯祠 在府儒學爲本學土地神神爲徐文慶宋岳

武穆王部將有戰功孝宗朝褒崇及其部將遂賜爲昌文

侯牒充太學士神後改爲郡學仍奉以祠春秋致祭

錢塘縣志

淮安忠武王祠 在前洋街祀元丞相巴延元貞元年建

成化舊志王統兵平宋時能以不殺俟宋國母幼君出降保全

一城人民生命故祠之

仁和縣志

劉敏中碑記世祖恢崇丕緒一時心腹爪牙之寄宜勞戮力皆極其選至于出入將帥動協廟謨趨長江掇全宋致有元之盛而成不世之功者曰惟忠武王爾上之居儲圖也賤王功烈俾廟于杭始嗣位勅以公帑十萬緡成之且

勒碑焉而以其辭命臣敏中撰述謹按王諱伯顏朔方人
至元初以宋王命入奏世皇一與語異之輒留置左右弗
遣未幾拜光祿大夫中書左丞相七年同知樞密院事十
一年再為左丞相廷議以宋恃險拘我信使資我叛臣詔
王昔曹彬不殺平江南今以大師界汝汝為曹彬可也王
拜命啓行不至其家是年十二月渡江明年被召入見具
陳始終規畫七月拜中書右丞相八月還南明年正月宋
降拜金紫光祿大夫知樞密院事進開府儀同三司太傅
錄軍國重事春秋五十有九以疾
薨于京師進封淮安王諡曰忠武

嚴指揮祠 在最樂坊神姓嚴名德字君輔當塗采石人

洪武元年統軍取台州力戰死追贈驃騎上將軍副大都

督府事上護軍天水郡公勅有司建祠俾其子孫崇祀焉

成化
舊志

褒忠祠 在錢塘學宮之東祀明建文時死事諸臣

國朝康熙五十八年舉人潘兆新廩生范玉鈐等因嵯使差滿

常假館其中木主散失額請整飭舊祠俎豆勿替

浙江通志

呂本衷忠祠記侍御蕭君廩來按浙檄所司覈實祠祀在寧海則有文學博士方孝孺太常少卿盧原質在瑞安則有戶部侍郎卓敬在奉化則有左拾遺戴德彝在仙居則有戶部侍郎盧迥蕭縣知縣鄭恕在山陰則有都御史陳性善在黃巖則有翰林修撰王叔英在青田則有谷府長史劉璟在桐鄉則有江西副使程本立義烏則有都給事中龔泰在臨海則有東平州吏目鄭華此十二人者俱所謂忠于所事有死無二者至如胡忠翊義則寧海御史鄭公智僉事林嘉猷斯皆兩浙之產正氣攸鍾侍御疏請建祠會城春秋秩祀額日褒忠若夫王叔英鄭恕之妻死其夫子死其父一門全節世所尤難附祀廟中亦足以樹閭內之風聲矣

忠節祠

在按察司署內左偏祀明浙江按察使王良靖

難時闔室自焚正德十三年西蜀劉瑞董學于浙知公死

事梗槩白于按察使梁材以舊水監亭改建設主祠之歷

舊志

憐忠祠 在太平坊南新街爲于忠肅公居里故建祠以

祀

舊志

公以讒死天下冤之杭人卽公南新街故宅爲位而

哭歲時拜謁焉旣而詔復官遣祀而誄以文曰謙之忠予

憐之于是杭人呼故宅曰憐忠祠

張鏊旌功祠記

同仁祠 在武林坊祀明巡撫江西都御史餘姚孫忠烈

燧兵部尚書前江西按察副使仁和胡端敏世寧新建伯

巡撫江西都御史餘姚王文成守仁

萬歷舊志

唐龍祠記同仁祠御史周汝員所建也三公皆我浙產後先奮忠協平宸濠之亂以死勤事捍大患法皆得祀功在

江西而浙輔車之地竊被其休故祀之况鄉先生沒而祭于鄉抑亦禮乎經始于嘉靖丁酉十一月戊戌三月乃考成焉位以齒敘從鄉也食以功合以義起也歲一祭祭每以六月十四日濠于是日舉兵孫公死之故從是日也合食一堂連輝千祀瞻仰俎豆能不肅肅于衷乎

報功祠 在忠慶巷內祀明總督尚書胡宗憲嘉靖間始

建于吳山之巔隆慶三年巡撫谷中虛改建今處萬歷四

年巡撫謝鵬舉徐拭先後增修

舊志

謝鵬舉記頃嘉靖中割遂徐海王直導島逆內侵東南胥被患而浙為甚卒賴少保尚書梅林胡公決策蕩平維時浙士大夫及市野氓庶相與協謀就吳山曠輿之壤建祠尸祝之無何公中多口去鎮受抑以歿祠事亦中止隆慶已巳中丞近滄谷公更採輿議改建于依山之周道時猝事經理規度未稱萬歷亥子間始克拓而大之前奉御製碑文後貌公像浙人士族進瞻謁所所若重觀公云

揚清祠

在忠清里祀明按察使僉事王琦刑部郎中項

麒

萬歷舊志

陳一貫祠記琦由鄉進士為按察僉事致仕貧甚寒餓卒麒亦鄉進士改南京刑部郎中乞歸餽糜僅餬口闔戶歌吟充然有得初唐忠臣褚太傅遂良杭人也二公實繼產太傅里因表其里曰忠清里并祀二公于太傅之旁嘉靖二十年予從弟仕賢為杭守別建一祠然制頗隘不稱予適繼守府得近坊疑真菴迎神祀于中改題曰揚清用別褚太傅也

紫陽祠

卽紫陽書院在太廟巷祀朱子而以兩浙都轉

運使高公熊徵配春秋致祭

錢塘縣志下同

謝三太傅祠

在薦橋東舊十方寺址祀晉太傅謝安宋

太傅謝深甫明太傅謝遷嘉靖間吏部侍郎餘姚謝丕建

明末沒歸他姓裔孫謝秉公捐貲贖還中有百世流芳狀
元宰相題額皆文徵明書

崇報祠 在馨如坊忠慶巷祀明巡撫劉畿隆慶間建公

字朝宗嘉靖庚戌進士任浙撫內陞少司馬總督浙直江

西後晉大司寇

舊志下同

甘公祠 在虎林書院之陽祀明巡撫甘仕价號紫亭萬
歷三十七年建以郡紳陳善配

姚公祠 在吳山城隍廟東祀明郡守姚之蘭字汝芳桐

城人萬歷辛丑進士丰裁卓然訟無留獄接士以禮立祠

祀之名德馨祠

舊浙江通志

其西爲金公祠祀明郡人福建巡

撫金學曾

城隍廟志

杭州府志卷八

祠廟二

府城外錢塘仁和附郭

先農壇 在慶春門外東郊仁和縣臨江十一畝

國朝雍正四年八月欽奉

上諭各省一體舉行創建錢塘知縣秦烱仁和知縣劉漢儒奉文
共置耜田九畝八分又壇基地五畝九分零灌漑蕩一畝
八分零壇制于東郊潔淨之地田在壇前壇中正祠五間
左右翼七間後立寢室供先農炎帝神農氏之神先農厲
山氏之神先農后稷氏之神祭品祭器祭儀照先師之禮

歲二月亥日督撫主耕從耕者二員一進鞭一進耒外置
田畯四人以兩人扶犁兩人牽牛主耕者左秉耒右執鞭
九推步行盡壠而止藉田左右四旁則令耆老農夫終畝
焉反于寢室送神灌鬯徹祭飲福其各州縣俱以掌印官
主祭主耕統如前式

浙江
通志

按通志諸門體例如山川寺觀之屬俱先城內次城外
惟祠祀一門先農壇俱在城外最爲鉅典應列在前其
次又有社稷山川諸壇凡附郭之縣皆不分設故錢塘
仁和之壇廟統附于府而外屬各縣仍行分列以時代
爲先後與各門體例稍有不同今從之

社稷壇

在錢塘門外西北宋太乙宮故址祭以春秋二

仲上戊

成化舊志

明洪武三年知府王興福建于城北

舊浙江通志

風雲雷雨山川壇

在城西南包家山春秋二仲祭

舊志

郡厲壇

在城北霍山坊每歲清明七月望十月朔奉城

隍神以主厲祭設無祀鬼神之位於壇下

萬歷舊志

鄉厲壇

每里立壇一所祭無祀鬼神專祈民庶安康六

畜蕃盛每歲如府日期三祭祭物隨宜祭畢會飲讀誓詞

成化舊

志下同

里社

鄉村每一百戶內共祀五土五穀之神春秋二社

祭以一羊一豕祭畢讀誓詞會飲俾和睦鄉里以厚風俗

按外屬各縣里社倣此不復備載

關帝廟 杭城廟祀極盛其尤著者一在孤山名照膽臺
一在跨虹橋北岳墳左萬歷十五年建一對錢塘門月城
內萬歷二十六年建清波侯潮兩門月城內亦皆有廟一
在吳山通元觀一在布政司前一在城北隅一在佑聖觀
內一在靈應觀側一在義和坊相傳爲神祖廟宋嘉定間
建一在千步廊一在萬安橋有東西二廟

國朝雍正三年

勅封關帝三代公爵曾祖光昭公祖裕昌公父成忠公其禮儀俱
照先師廟每歲春秋并五月十三日致祭祠以太牢各府

州縣如制

浙江通志

關帝祠 在金沙港流金橋側

西湖志

按詳見名勝卷中

三義廟

在湧金門外古問水亭東祀漢昭烈帝關帝張

桓侯

錢塘縣志

按孤山照膽臺關帝廟亦有三義閣

嘉澤廟

舊在錢塘門外二里號錢塘湖龍君錢氏表請

封廣潤龍王宋累封淵靈溥澤侯廟始梁大同中名水仙

王廟乾道中周淙以禱雨應重建淳祐八年趙與憲又建

且亭其前之井扁曰寒泉

咸淳志

寶祐間馬安撫光祖更創

咸淳五年安撫潛說友又葺而新之後徙建壓堤橋之北
并以樂天和靖子瞻三賢祔祀有井曰薦菊取蘇詩不然
配食水仙王一酸寒泉薦秋菊之句後廢仍祀三賢于孤
山明嘉靖二十二年郡守陳仕賢因禱雨有應重構亭其
上尋圯萬歷十四年守余良樞重建後仍築于孤山之麓
國朝康熙四十二年

聖祖仁皇帝南巡

御書平湖秋月扁額建亭其處徙廟于亭後後燬廟改建馬公祠
雍正五年總督李衛易爲蓮池菴仍祀嘉澤龍王以復水

仙故跡

西湖志

錢鏐龍王廟碑錢塘湖者西臨靈隱東枕府城澄千頃之波瀾承諸山之源派固有神龍居止水府可存降景祐十生靈興旱涸之風雨原其自編祀典積有歲年雖陳奠將之規未施展敬之所予遂建立廟堂表奏乞加懿號果蒙天澤並降徽章其所奉勅旨具錄如後勅錢塘重地會稽名邦垂古今不朽之基繫生聚無疆之福有茲舊蹟特加新規豈曰神謀實因心匠錢鏐普扇仁風久施異政至誠所切遂致感通其錢塘湖龍王廟宜賜號廣潤龍王牒至准勅旨郭祥正水仙王廟詩丹青嚴像貌荇藻薦杯盤月落廟門靜龍蛇驚夜寒

玉泉龍王廟 在淨空院嘉泰初賜廟額曰靈泉嘉定初

改仁惠嘉熙四年又改神運淳祐八年重建廟封嘉應公

後加曰溥澤

咸淳志下並同

白龍王廟 在臨平東山

黑龍王廟 在超山仁和縣東北六十里嘉定間趙忠獻

公宰邑禱雨屢驗請于朝賜通靈爲額累封通靈惠應宣
濟昭惠侯

會靈廟 在湧金門外卽柳州五龍王廟宋慶元六年賜

額開禧元年趙安撫師舜淳祐七年趙安撫與憲先後創

建成淳五年安撫潛說友又新之

成化舊志

蘇軾謝吳山水仙五龍王文西湖涇塞積水之患坐閱百
史熟視而嘆惟愚無知妄謂非難禱于有神陰假其便不
愆于儀咸出幽贊大堤雲橫老葑席卷歷時未幾功已過
半祠事告終來哲所繕神卒贊之罔咈民願肴酒之報我
愧不腆 李壁記西湖柳洲有所謂五龍王祠者吐靈垂
貺其來最久載之祀典紀之圖經可考不誣曩更兵火祠
失其所寓諸柳洲慧明寺慶元六年賜廟名曰會靈京兆
尹王君補之買地寺旁規之立祠祠未立而去今趙公繼
之掄材選工命通判鄭擢東南第三將劉公侏董之踰兩
月告成時開禧元年六月十九日先是五月旁死魂公以

雨禱立應已而父老狀言旣雨之三日湖山晝暝有二物如大木乘風揚波直湖心而東蜿蜒柳洲菱蒲間視之乃黃黑蛇二長可四五丈見日復有蛇見祠所雷雨大作兼旬日乃止歲以有秋嘻亦異矣公言諸朝乞加封號制曰可則謂壁曰祠吾立之子記之余惟鬼神之道君子所難言今夫能隱能顯者龍能雲能雨者龍昭然而應幡然而作其龍之所自爲耶抑固有主之者耶謂龍之所自爲則像貌之立命秩之加非所于龍也謂有主之者存則封爵之書所謂五龍之神皆龍也非有主之者也若是者余皆不得而知至于曰雨而雨曰暘而暘民事之所關國典之所載雖千萬年敬事無斁是則余之所知也

按舊志及此記則廟于宋曾在祀典而他志不載豈以其遺址已湮故軼之耶存之以俟考

順濟廟 在江干大觀樓右又名善利院祀善利龍王自

宋至今尚存

西湖志

宋浙江潮神順濟廟善利侯特加忠靖二字勅勅某神朕固不爲秘祠專鄉其福也至四方長吏有爲吾民請曰某山川之神能惠其境中則褒崇之典朕靡愛焉以庶幾占蠲百神之義矧惟江濤近在寰內而有司以報禮未稱將多大之用錫美名以從民欲神尚終惠使世世享

按成化志稱龍神廟之已廢者二一曰湯村龍王堂政和二年以沙岸爲潮水所衝州縣立祠禱之一曰順濟龍王廟亦在湯村政和五年郡守李偃以巖門白石等處江潮侵啗奏同兩浙運使劉旣濟措置用石版砌岸因建廟累封靈應昭應惠應王

順濟聖妃廟 在艮山門外祀莆田林氏宋宣和五年賜順濟廟額紹興二十六年封靈惠夫人紹熙三年改封靈

惠妃慶元四年勅加助順嘉熙三年累封爲靈惠助順嘉

應英烈又有別廟在候潮門外肅公橋

成化舊志

國朝康熙十九年封爲護國庇民妙靈昭應宏仁普濟天妃遣

禮部司官致祭

浙江通志

雍正十一年八月禮部議覆福建總

督郝玉麟條奏各省城建天妃祠宇一例春秋致祭奉

旨依議

錢塘縣志

丁伯桂艮山廟記神莆陽湄州林氏女少能言人禍福歿廟祀之號通賢神女或曰龍女也莆臨海有堆元祐丙寅夜現光氣環堆之人一夕同夢曰我湄州神女也宜館我于是有祠曰聖堆宣和壬寅給事路公允迪載書使高麗中流震風八舟沉溺獨公所乘神降于檣遂獲安濟明年奏于朝賜廟額曰順濟紹興丙子以郊典封靈惠夫人逾年江口又有祠祠立二年海寇憑陵効靈空中風掄而去州上其事加封昭應其年白湖童邵一夕夢神指爲祠處

丞相陳公俊卿乃以地券奉神立祠于是白湖又有祠時
疫神降曰去湖丈許脉有甘泉我為郡民續命于天飲斯
泉者立痊掘泥坎甘泉湧出請者絡繹朝飲夕愈斃為井
號聖泉郡以聞加封崇福越十有九載福興都巡檢使姜
特立捕冠盜禱響應上其事加封善利淳熙甲辰民苗葛
侯郭禱丁未旱朱侯端學禱之庚戌夏旱趙侯彥勵禱之
隨禱隨答累具上聞于兩朝易爵以妃號靈惠慶元四年
加助順之號嘉定元年加顯衛十年加英烈神之祠不獨
盛于莆閩廣江浙淮甸皆祀也艮山之
祠舊傳商公份尉崇德日感夢而建

潮王廟 在芳林鄉神為唐石琬

仁和县志

僧本誠廟記按晏殊輿地志古有石姥祠舊碣載石姓琬
名生于唐長慶三年錢塘古稱濤江民苦潮害王奮力作
堤以捍水勢寒暑不輟功未就竟死于潮後為神咸通中
官為立廟封潮王宋宣和間睦寇犯順時朝廷以韓世忠
禦敵陰雲四合聞空中叱咤聲仰見旗幟書石姥潮王之
號軍士奮勇大破寇兵嘉熙間潮水復作潰堤衝岸漂蕩
民居京尹趙公與憲躬禱祠下潮復故道有司上其事加
封忠惠顯德王皇慶二年主僧宗禮率其徒即寺剏毘盧

附

協順廟 在石塚其神陸圭昭慶軍人宋宣和中引兵攻

方臘敗之歿而爲神紹興間海濤衝激江岸神檄陰兵却

潮潮勢遂平淳祐間江湖衝激尤甚隨築隨圯神與三女

揚旗空中浮石江而以顯其靈岸賴以成浙西帥臣徐臬

以聞于朝賜今額封神爲廣陵侯三女爲顯濟通濟永濟

夫人傍有小廟祀十二潮神各主一時

西湖游覽志

朱彛尊謁廟詩并序錢塘江干有廣陵侯廟乙未三月展謁祠下按枚乘七發觀濤于廣陵之曲江世疑廣陵爲今揚州府然元季錢思復試羅刹江賦證曲江卽浙江楊廉夫遯之時號曲江處士而曾子固撰越郡趙公救災記中有廣陵斗門合之伍子之山胥母之塲疑義可析因賦絕句紀之昔聞江月松風客賦證錢塘是曲江不見郊關廣

陵廟靈風長
拂舊幡幢

靈休廟 在城南廂界江岸名七郎堂神係嚴州分水縣

弓兵因方寇擾攘陰衛有功州縣保請于朝立廟紹興戊

午江湖大作府醫士葉永年捨屋建祠雨暘禱輒應咸淳

初賜額

咸淳志

英顯通應公廟 在廟子頭宋寶祐元年江湖衝嚙神顯

靈跡塘岸堵安加封今額

成化舊志下同

平濟廟 在浙江廟子灣宋乾道初安撫周淙奉旨修築

江岸遂建廟

按以上三廟萬歷以後府縣志俱不載想廟已就湮莫

可考也然嘗有功德于杭于宋時建廟賜額故仍存于

簡

金龍四大王廟 在孝女北管下墟祀宋謝緒

國朝順治二年

勅封顯佑通濟金龍四大王之神

浙江通志

王修玉詩錢塘三日江湖絕國破君降趙宗滅信公被執
越公亡義士孤臣淚流血金龍山下草莽臣丹衷耿耿凌
乾坤生無報德死有恨願抒靈爽將敵吞投淵念抱三閭
節浩氣如雲波上結黃河北流吾志酬臨投親爲父老說
淮右真人應運興呂梁接戰前軍奔河流逆行忽北往神
人躍馬天晝昏雲頭驅敵火旗動隱隱甲士橫戈殍夢中
謁帝道名姓賜封立廟加褒尊三百年來作河伯捍患禦
災功赫赫風濤變化無定形呼吸之間著靈迹聖朝有道
波不揚陽侯效順天吳藏壁馬不沉衝潰息至尊何必歌
宣房行人過此盡禱祭考鐘伐鼓牲醴芳廟中巫覡霑醉

祠廟

龜四時歌舞紛紛翔我今汗漫適燕北媿無獻
享醉王德漫將遺事記短歌萬禩千秋頌無極

晏公廟 在武林門北夾城巷內祀元晏戍仔江西清江

鎮人元初輸文錦于上都因而尸解人以爲神立祠祀之

後爲崇果寺伽藍顯靈江湖間明洪武初封平浪侯二十

三年浙江都指揮儲傑以督漕獲庇捐建今祠

萬歷舊志

茶槽廟 在會城東沿江七十里北至臯亭山屢受潮患

明永樂間新城茶商陳旭出金築新塘後洪水與江潮相

接沿江俱沒塘壞旭思資蓄已盡功不成遂躍身入潮屍

隨潮浮至臯亭沙隨屍而漲塘乃成遂塋焉巡撫人告勅

封茶槽土地興福明王

仁和縣志

廣靈廟 在石塘壩宋景定四年九月潮壞江塘里人耆

老因立東嶽溫太尉廟請于朝賜廣靈爲額咸淳五年封

正佑侯餘自李將軍以下九神皆錫侯爵李孚佑錢靈佑

劉顯佑楊順佑康安佑張廣佑岳協佑孟昭佑韋威佑

成化

舊志

周絳侯廟 在臨平鎮晉建武元年侯裔孫卓卜居臨平

卽其地祠侯宋建炎中金人至杭居人爲柵環廟以守仰

視旌旗蔽空書曰漢絳侯周勃皆羅拜而去自是靈異著

聞有禱必應

咸淳志

靈衛廟 在錢塘門外祀宋錢塘令朱蹕及尉曹將金勝

祝威

嘉靖浙江通志

皆建炎時死完顏宗弼難者鄉人立祠曰金

祝二太尉廟淳祐十年賜廟額曰靈衛景定二年安撫洪

燾以神號請封金曰忠佐侯祝曰忠佑侯咸淳四年士民

請增祀蹕封顯忠侯元末燬明宏治十二年鎮守太監麥

秀巡按御史鄧璋錢塘令胡道等重建萬歷初縣令姜召

增建後殿

浙江通志

余泰詩秋雲點點落日低獨行踽踽路轉迷荒涼破廟當
道側老樹枝折烏亂啼入門遺像已剝落拂拭殘碑尋舊
題煌煌南宋死難者肅然拜下心慘悽憶昔高宗建炎口
李綱罷相汪黃難廣陵一炬渡江來僻處臨安思自逸建
康不守杜充降諸軍星散師無律獨松天險守者誰萬騎
奔過從宗弼宰臣但進航海籌城門曉開如越州此時縣
令官職小效死弗去兼有謀縣令何人爲朱蹕尉曹威勝
能同仇三人奮然一迎敵謬與敢言城必破師行畢竟向

西南此路坦然枕席過金人大笑謂天助率師從汝無坎
何朱令急檄衆兵士扼嶺甚深士莫情福竹覆泥作大路
巧設機關無不可萬騎馳驟向康衢忽然人馬徒空墮俄
頃伏發弓矢橫敵兵既陷半死生金勝祝威左右繞禦
白刀怒作聲殺氣慘亂山不青白雲在天天冥冥高岡深
塹數十里倏忽踐踏屍已平鐵騎後來力復競孤軍援絕
鼓尚鳴嗚呼走越諸將在分道力戰勢自傾祝威被鎗金
勝死朱令身中十餘矢仰天大慟作厲鬼忠魂不愧西湖
水全收散卒向臨安曉戰西山及午止百姓乘間得遠奔
生死只爭半日耳羅刹一江潮怒來北騎安然渡如此越
州告警走明州狼狽海濱何所底僥倖金人北返師揚子
江中大將旗絕江爭渡餘險巖帝還臨安營太廟危城竟
作中興基斷鄂北伐勢稍振京洛可復不肯爲汪黃旣去
秦檜至始終和議當誰欺三君不獨以死著保全生齒何
勝數不聞待詔獎忠魂當時執政空多悞杭人私感遂作
祠村落小民禱朝暮此地近公大戰山年年是日驚風雨
廟傍溪水生波瀾鬼神如出聞辛酸
哀樂恍恍來無端明月天半歸正看

顯功廟 在錢塘門外保叔塔神姓岳名琚家于霍山爲

臨安府吏建炎初金人至境神輸家財募勇士三百人推
錢塘令朱蹕爲謀主尉曹將金祝二人爲先鋒迎敵死戰
里人懷其功卽四聖延祥觀祠事之號保稷山王嘉定初
建廟今處咸淳四年封忠翊侯賜廟顯忠

咸淳四年制詞朕惟六飛南渡百二河山無一人敵王所
愾每念爲之憮然爾神克奮孤忠輸財募死士得二將率
衆三百卒奪金人南下之盛氣一境賴以安存今經百有
餘年二將已都顯號而神獨無以旌其靈可乎哉進賜通
侯宜在以勞
定國之典

靈惠廟 在孝女北管下墟神姓謝諱達字明遠宋徽宗
時提舉淮浙避蔡京隱于石門嶺歿後忠誠不泯建炎中
金人至境忽聞空中金鼓聲旌旗震耀顯露謝公神號鄉

民賴焉隣境屢有虎豹不入其境咸淳庚子元夕鄉人夢神云今歲當大旱宜先開井濬源夏秋果旱得井灌田成熟自後旱潦祈禱輒應事聞賜額成化舊志

撒沙護國夫人廟 在阜亭山仁和縣志

胡世寧廟記神世居仁和裔出倪氏時值金兵神尙屬閨女避亂郊野飢寒迫切狼狽而殞里人憐其捐軀守志瘞于阜亭之半山金兵長驅南逐康王奔逸夜夢神曰王但前吾當助陣明日接戰忽狂風大作向北揚沙金人目盡啓宋兵鼓勇前追俘斬無筭高宗卽位首崇祀典勒封撒沙護國顯應牛山娘娘立廟塑像

忠烈廟 在西湖北山棲霞嶺王姓岳名飛初諡武穆寶

慶二年改諡忠武元至正中改諡保義明洪武四年稱宋

少保鄂國武穆王成化舊志景泰間請于朝賜春秋祀及忠烈

額萬歷舊志廟貌恢特蓋斥智果院爲之兩廡刻王所製滿江

紅詞并送張紫巖北伐詩西偏有流芳亭石刻王像存焉

名勝志

國朝順治八年巡撫范承謨重修康熙二十一年兩淮運使羅

文瑜重建三十一年杭州知府李鐸重修雍正九年鹽驛

副使道江承炘重葺浙江通志乾隆十六年

皇上南巡

御題廟額二十二年至四十九年

御製詩章恭紀卷首南巡盛典

鄭元祐重建精忠廟記故宋贈太師忠武鄂王起卒伍至將相其謀審戰勝規模施設雖古名將不是過而竟斃于

權奸之手孝宗嗣位禮葬王父子于西湖之北山廢舊智
果觀音院賜額曰褒忠衍福寺錫之士田命僧甲乙流傳
主之宋亡寺廢不惟王墳墓洒掃廢缺至于廟貌一切委
地會隴西李君全初以承事郎來爲杭州路總管府經歷
過王墓道每瞻望徘徊時褒忠寺住僧可觀等亦合辭累
請于君君遂以興復爲已任市材鳩工前爲廟門翌以兩
廡正寢中像王右像王之子左武大夫忠州防禦使左像
王之將神龍衛四廂都指揮使閩州觀察使燕寢中像王
父母王夫人咸在焉王故五子忠州君旣以侑食于正寢
次任忠訓郎問門祇候贈武畧郎次任朝散大夫敷文閣
待制贈大中大夫次任朝奉大夫提舉江南東路茶鹽事
又其次任修武郎問門祇候以及王之女號銀瓶娘子并
閩州君之夫人王諸孫名位通顯者皆肖像以祀焉王部
曲諸將張憲烈文侯徐慶昌文侯董先煥文侯牛阜輔文
侯李寶崇文侯王貴尙文侯李君懼廟祀之或缺有田一
百餘畝歸之廟爲訪田廟旣成杭守土官一再致祭胡
銓詩正馬吳江誰著鞭惟公攘臂獨爭先張皇貔虎三千
士指柱乾坤十六年堪恨臨淮功未就不知鍾室事何緣
石頭城下聽輿議萬姓顰眉亦可憐林景熙詩寥落一
杯在英雄萬古冤孤忠懸白日遺恨寄中原樹老殘霞淡

塵深斷碣昏東南天半壁往事泣寒猿吳植詩故國江山幾度秋英雄遺恨只荒邱兩宮寂寞金根遠一詔蒼皇赤幟收有子同歸良將傳何人爲斬佞人頭至今遺廟西湖上石馬無聲水自流高明詩莫向中州嘆黍離英雄生死係安危內廷不下班師詔絕漠全收大將旗父子一門甘伏節山河萬里竟分支孤臣尚有埋身地五國游魂更可悲于謙詩正馬南來渡浙河汴城宮闕遠嗟峨中興諸將誰降敵負國奸臣主議和黃葉古祠寒雨積青山荒塚白雲多如何一別朱仙鎮不見將軍奏凱歌李東陽咏史樂府金字牌從天來將軍慟哭班師回士氣鬱怒聲如雷聲如雷震三陟幽薊已復無江淮仇讐和壯士死天下事安有此國之亡嗟晚矣

楊和大王廟 在方輿神爲宋楊沂中紹興間賜名存中

大小二百餘戰屢立奇功有墳在焉

舊浙江通志

忠勇廟 在九里松祀宋統制張玘紹興三十二年從張

子蓋解海州圍用命戰歿贈容州觀察使建廟海州後又

詔別建廟于臨安府行春橋之側

咸淳志

資福廟 在江干祀宋烈文侯張憲景定二年追封立祠

東山街口墓所復建廟于此今稱郡城都土地廟

錢塘縣志

崇善廟 在城北阜亭山

浙江通志

一在淳佑橋一在江漲橋

皆祀晉杭州刺史陳頊

錢塘縣志

鮑翼崇善廟記神姓陳諱頊字行嵩會稽人也事東晉歷青揚荆廣四州刺史以武功食錢塘海鹽鹽官三邑見于李宗諤之圖經者如此梁大同二年勅封興善王後改封崇善王而失其時代歲月其見于桑衍之圖經者如此隋僧真觀講于衆安寺夜夢神求受淨戒仍捨廟屋三間爲佛殿見于高僧傳者又如此爾後遂寢血食專供伊蒲塞饌見于白居易之祝詞者又如此碑版載神之事爲多而怪誕不經適足以誣神今特摭其可書者以傳信于天下後世云

按通志止載臯亭一廟及鮑賢廟記今據錢塘志增又
錢塘志稱梁大同二年神封侯爵宋紹興中賜額靈惠
寶祐六年神見空中懾退敵寇遂列王爵與鮑記引梁
時封王者異未知孰是

古東嶽廟 在西溪法華山塢口宋乾道三年建嘉定十
七年樞使史彌遠請于朝重拓寶慶三年落成至今爲杭
郡嶽廟之冠一在中台八蟠嶺宋咸淳中建明萬歷間圯

國朝康熙間重葺

錢塘縣志

郎瑛重修法華山東嶽廟碑記泰山五嶽之長也王者受
命必告岱以祈永歷代封禪必登記以報功是以天下崇
奉而吾杭錢塘廟居三焉一在邑中吳山一在郭外八蟠
嶺一在法華山法華去城三十里人心趨向以此爲最

春三月傳爲誕辰民俗因以賽會絡繹道路昏夜無休焉或曰三廟獨盛于法華何也余曰昭靈貺也觀其湧泉假夢載諸碑者詳矣自宋至今五百餘年而廟貌益隆豈人力之所能哉今年三月余往謁見一碑露日下召廟祝語之曰石久困風雨壞無日矣曷蔽護之明日碑忽自裂衆共驚駭或曰是神意欲更新之也明日祝來告乞文彰之予憮然于是述其顛末買石鑄之爲亭以護時嘉靖乙丑冬至日也

申將軍廟 在臨平斗門橋北三十步今廟有殘碑宋季

人撰謂爲申包胥鄉人于此祈禱多應

成化舊志

咸淳志云父

老相傳將軍謂楚申明父白公亂楚王命明伐之白公殺

其父後人爲立祠未知孰是

浙江通志

諸葛明王廟 在官園路神爲武侯

舊浙江通志

糜相公廟 在艮山門南神姓糜諱竺事昭烈爲安漢將

軍

舊志下同

屠墟廟 在古蕩祀漢劉璋相傳有神降于巫問里人曰

今廟何人也里人踦曰不知父老祠之久矣神曰不知而祀之無乃虛父老之惠乎且爲神此地方福垂數百年而不知姓名可乎因書曰吾漢劉璋也于是香火益盛

吳焯靈昭廟宋殘碣考秦亭道中有古靈昭廟神爲宋勅封屠墟靈昭侯廟廊下有殘碑半段首行存尚書省三字其文密行細書俱已漫漶可讀者猶三數百字乃宋理宗淳祐七年里人請于朝得申封立廟所稱屠墟者以神著靈時赤幟見火光中上有屠墟二字而靈昭者乃當時所封之號也考咸淳臨安志壇廟門失載此廟而康熙年間新碑直書神爲蜀主劉璋字季玉按蜀志本傳稱璋襲父職爲益州牧後加振威將軍不聞王蜀不知今碑何所據而云然也且殘碣中共辭之可辨者但述神靈異之事雖隱約有劉璋名似難以蜀主稱之廟近堽泉秦亭山當其

五

興漢帝君廟 在倚堰圩神卽項羽未知何時以興漢帝

君封爲土神

仁卽縣志

顯祐廟 在舊百萬倉西祀隋陳果仁果仁晉陵人沈法

興忌其威名召食毒死之忠憤赫奕竟以神矢斃法興唐

武德初嘉其功封忠烈公後梁封福順武德王後周加帝

號

萬歷舊志

嘉泰六年臨安以禱雨應乞加封賜行廟額曰顯

祐

咸淳志

潛說友祝文惟王發迹于陽羨而聲靈被于隣封立廟于隋唐而祀典迨于我宋說友比以初郊奉朝旨謁行祠申虔禱籤繇響荅預告太平無言不酌厥靈益顯說友亦旣刊石以昭不朽近常之士民介郡守言王功適印于心乃

述顛末亟聞于上于是易帝號以正李氏之謬仍王爵以表大神之忠誥綸來下恩光炳如謹已遣吏緘詞馳送廟下惟行祠在邇盍併薦聞王其益庇郡民祇荅上賜則民事王亦永永無斃

天澤廟 在西湖金沙港一名履泰將軍廟祀吳越時孫

顯忠

浙江通志

將軍錢塘人仕吳越宋嘉熙中趙與權尹京禱

雨有驗奏封天澤侯額曰孚應額及省牒皆與權手書石

刻天澤二字猶存

武林舊事

萬歷癸未夏旱郡守張振之禱雨

不應一夕將軍降乩示禱雨所向且為助雨明日禱祠下

遂雨三日年大有廟故隘將傾圯矣是年秋拓地新之并

申著為令每歲夏秋仲月致祭

錢塘縣志

喻均廟記履泰將軍廟隸錢塘之金沙港去郭十五里許地故僻不屬通衢而廟隘僅數椽頽圯敗瓦隱約桑柘間

同有過而禮者萬歷癸未夏太守張公振之始撤而新之前爲廟門中爲殿後爲寢殿之左爲井井之前爲臺寢之後爲池甯然悠以深將軍故以天澤俟封池所以象澤從陰象也

曹王廟 在錢塘縣柵外二喬祀宋濟陽郡王謚武惠曹

彬舊志案彬嘗奉使吳越以却幣見重錢塘志以爲下彬江南駐節於此不戮一人誤矣廟當係南渡後所建

廣惠廟 在錢塘門外霍山宋乾道中建祀唐僕射張渤

舊志

道師白記王以休功顯德敷佑生民歷代罔不優禮褒崇暨我朝慶歷追錫之命增加王號極其榮美粵自開述祠山肇興廟食有禱于王捷于響答光靈之迹旁加橫掖于是離宮行廟金碧丹雘連城跨郡岌巖相望焉仰惟帝城四方之極百神受職是謂是衛矧王之神游所止密拱京甸衆大之區并蒙祉福顧獨未有揭虔妥靈之地不其闕歟乾道庚寅始卜地于霍山哀金鳩工營建棟宇規模位置煥然鼎新廟成于紹熙甲寅正月二日爲費錢十萬而

判院張宗況
施助獨多焉

顯應廟 在風篁嶺祀宋郡守胡則當宋仁宗時再牧杭
州有惠政退老西湖卒塋于此數見靈異遂立廟祀

國朝雍正九年總督李衛重修

浙江通志

比勝廟 祀宋比勝將軍里人沈氏施宅拓之

萬歷錢塘縣志

按舊志及魏嶠縣志俱作北勝疑誤茲從舊縣志

五顯靈官廟 在五雲山之巔山最高神靈顯異相傳九
月二十八日爲神誕辰蕪香者滿山谷北高峰亦有五顯

廟神亦最靈

浙江通志

馬勝廟 在溜水橋祀宋馬雄馬武世傳二人東西居共

爲田園之勝故名元羽士張伯雨嘗寓此明萬歷三十六

年重葺

舊志

屠隆廟記城北有隅曰馬勝句曲外史稱爲散花灘處乾德間僧雪巖建歲豐禪院治平中改寶覺豐樂寺後爲劫灰僅存雄武二王祠概而名之曰馬勝廟以奉土穀香火二王有忠謀于宋而七尺同沉里氓婦堅無不稱說二王云

葛相公廟 在江干神姓葛名雯徽州歙縣人諸生自南

宋紹興初渡錢塘斬蛟江中捐軀除患夫人程氏亦以身殉里民德之于江臯豐登鄉立廟明季燬而復建

國朝乾隆四十年里人捐貲鼎新之

湖山神廟 在跨虹橋西祀湖山之神

國朝雍正九年總督李衛建

西湖志

乾隆四十五年改葺

天妃宮

在得勝壩北此宮初于明洪武壬子成化間內

臣張慶知捐資重建嘉靖燬羽士鄭景隆募建

仁和縣志

柳洲二賢祠

在柳洲亭左舊名子貢使越祠祀先賢端木

木子

國朝康熙二十六年巡撫金鉉督學周清原從先賢仲子後裔

之請以仲子祠在弼教坊者廢合祀于此遂改今名雍正

九年杭州知府秦烱重修

浙江通志下同

周元公祠

在清波門外錢家灣祀周子南渡時建後廢

國朝雍正九年總督李衛重建

王光蘊謁祠詩先哲遺芳躅斯文得嗣音池蓮還在目庭
草亦知心四壁流文蔭千峰結翠陰渚蘋秋可擷仰止意
深何

朱文公祠 在孤山之陽公昔爲浙東提舉修舉荒政釐
革病民諸事又治台州置書院申教條立社倉寬逋負奏
捐丁絹輸築陡閘開濬河渠修治塘岸有功于浙最深明
嘉靖中建祠錦塢山

國朝順治丁酉公裔孫以錦塢山峻歲久傾圯白于巡撫陳應
泰巡按王元曦提學谷應泰移建今處

錢塘縣志

張安茂記孔子大宗在魯而分支在浙之衢爲南宗朱子
長次二支在閩婺而季子裔在浙杭之有朱猶衢之有孔
神明之後血食非一地異流而同源也頌曰宏惟斯道如
水發源百王千聖波夾瀾翻宣尼旣出羣流歸海海則有

航書則有解指示萬世闡揚六經誰爲功首厥惟考亭惟
杭有朱如衢有孔華胄分宗續成一統始自錦塢遷于孤
麓名山清流圓拱在目豐碑作頌
樹兩楹間萬禩不替有如湖山

張宣公祠 在清波門外方家峪祀宋南軒先生栻

舊志

聶心湯記先生入侍經闈出臨安撫密謀庶務忠誠格心
巍然公輔之望足挽宋祚而中興之卒從祀文廟而蜀之
綿竹厥有專祠錢塘之祠則英廟初年禮垣具疏得旨建
祠世廟時昌江曹學憲爲之監碑撰文十九世裔孫應選
具牒郡邑移祠清波門外以便烝嘗余綰邑符會其落成
俯仰今昔不勝高山仰止之思是爲記 吳太冲記略先
生祠向在尉司下扇里其移方家峪則萬歷甲辰始也太
冲婦翁天與先生實先生二十世孫其猶子恐齋沆惕菴
淳又重新之
而命予記之

陸宣公祠 在孤山之陽祀唐忠宣公贄祠

國朝雍正九年裔孫陸琨等重修總督李衛建坊

浙江通志 乾隆十

六年

皇上南巡

賜唐臣陸贄祠匾二十二年至四十九年

御製詩章恭紀卷首

南巡盛典

錢王祠 在湧金門南舊名表忠觀祀吳越王錢鏐鏐子

文穆王元瓘瓘子忠獻王宏佐忠遜王宏琮忠懿王宏俶

宋時觀在龍山熙寧十年知杭州趙抃請于朝蘇軾作碑

記元時燬明嘉靖三十九年總督胡宗憲巡撫周斯盛以

靈芝寺改建寺蓋王故苑也進石坊折而爲橋又石坊爲

門有東坡書表忠觀石刻碑亭正宇奉五王像有新建伯

王守仁順天者存扁後爲慶系堂

萬歷舊志

崇禎中裔孫檢討

國本等請憲申約後裔孫士璋等請重葺仍歲以春秋額

支官師致祭

國朝康熙四十四年

聖祖仁皇帝南巡

御書保障江山額恭摹勒石雍正三年

勅封誠應武肅王五年冬十一月總督李衛重建

錢塘縣志

乾隆十六年

御製表忠觀匾二十七年

御製表忠觀聯

皇上六次臨幸

御製詩章恭紀卷首

南巡盛典

陳柯改建祠記畧予少讀蘇子瞻表忠碑記慨然念錢王
于吳越之民其德厚矣予守茲土督撫梅林胡公等改建
祠于靈芝寺寺蓋王故苑也幸襄厥成予又病東坡手碑
殘剝也爲易石摹刻之以置諸新祠使謁王祠者讀茲文
以思王德庶幾斯祠斯文相與傳千百年無窮也李衛
重修記畧是役始丁未十一月迄戊申八月竣事觀傍湖
由湖而上有階歷階而進有坊有亭以奉

御碑

有橋以駕碧沼有門二重有殿有樓殿供王像樓供王得
姓之祖商賢大夫循舊制也前後有墻東西有廊其間魚
鱗鳳集藻井綺疏無不照灼而選材堅固則又足爲久遠
計從此幸茲土者加意保護則是祠廟貌其與王之德而
俱永歟王驛登詩玉帶龍衣廟宛然朱門碧殿傍湖邊
行人下馬看碑字高柳藏鴉拂廟塢禾黍故都州十四波
濤古岸弩三千傷心一片厓山地月色潮聲更可憐朱
彝尊詩城邊碧玉樹靈旗廟口明湖濯翠微聽罷緩歌歸
夜月獨存豐碣對閒扉錢塘白馬迴犀弩玉座青苔上錦

衣保障東南功不細
祠官異代豈相違

按咸淳志表忠觀在錢湖門外方家峪寶藏寺側夢梁
錄載武林門普慧院亦有王祠裔孫有珪等重葺院卽
王建舊西湖志錢塘門北亦有武肅王廟近菩提院

忠節祠 在筆架山方家峪祀宋贈秘閣修撰謚忠節徐

應鑣明宏治十八年賜祭文祠額正德十一年知府梁材

始建祠萬歷四年重建

萬歷舊志

呂本忠節祠記畧錢塘忠節祠祀江山徐公應鑣字巨翁
及其子琦崧女元娘者也公墓在方家峪向未有祠之者
建祠賜額有司春秋致祭則自宏治乙丑始正德丙子梁
公材聿建祠宇迨今萬歷丙子又六十年錢塘令姜君召
亟圖葺治中爲堂三間祀忠節兩廡各三間子若女附追
惟元兵壓境三宮北轅公太學生耳無一命之榮無專城

之奇乃毅然不辱率其子女俱死井中誠得死所矣吳
璣詩養士誰云收効難夷齊今見出賢關一門父子完高
節萬世綱當立大岡寧寧清風垂竹帛煌煌金
鎖照湖山馬前求活知多少地下相逢可汗顏

兩浙名賢祠 在西湖孤山之陽祀漢嚴光唐陸贄宋林

逋趙抃王十朋呂祖謙張九成楊簡明宋濂王琦章懋陳
選皆浙產也明隆慶六年巡按謝廷傑卽陸宣公舊祠改

祀而徙宣公像于祠前之恩綸閣

萬歷舊志

陳洪濛記自昔兩浙名賢以德以功與春秋祀載在常典
者亦畧備矣然皆各崇于鄉未有包挾衆美撮其英標羣
然俎豆于一堂者也隆慶壬申侍御豫章虬峰謝公來按
茲壤乃詳數省志尚論先哲于漢得一人焉曰嚴子陵于
唐得一人焉曰陸敬輿于宋得六人焉曰林君復曰趙閱
道曰王龜齡曰呂伯恭曰張子韶曰楊敬仲于我明得四
人焉曰宋景濂曰王文璉曰章德懋曰陳仕賢爰卽西湖
之陽宣公舊祠增立几筵等其世次位之不以爵舉者崇

德也標其姓氏仍曰先生者示後學知所宗也祠有田蕩若干有司領之歲時供祀不以煩民者欲其久也

四賢祠 在孤山之陽祀唐李泌白居易宋林逋蘇軾初

杭人祀白公于竹閣後增林蘇二公因名三賢堂紹興間

廢府尹周淙徙寄水仙王廟應後尹袁韶復徙建花塢元

廉訪使徐琰祀于西湖書院明天順間知府胡濬復建今

處正德元年知府楊孟瑛增祀李鄴侯再易今祠祀以春

秋萬歷舊志

國朝康熙中燬重建西湖志

楊孟瑛記畧竊惟逋仙風節山崇湖深名教攸繫自文公蘇東坡皆杭賢守石函一封時世時鍾葑洲既闢千頃一碧兩邑之田殘溝斷渚莫非遺澤民到于今賴之又唐鄴侯李公泌亦宮刺是州穿六井引湖波民始不食鹽苦難

功不在湖而以湖爲功與白公蘇公埒易作新廟而合祀之更稱四賢祠仰惟三公治杭事有美蹟人有遺愛幸應祭法六井一湖才一事耳然杭人祀文公必于孤山祀鄴侯必于涌金北坡祀東坡必于湖堤毀瀾之橋豈敢以時易易則不傳愛與澤流流故終不可議也今孤山之祀與北城湖橋旣廢故因文公之舊而合祀于是至于推祀逋仙則宋泰定間卽有之蓋義起也 屠隆四賢祠詩謾謾青松落日懸磷磷白石枕清泉平巒窈窕初開地太守風流出牧年草色能侵游女襪荷花開傍釣魚船祇今寂寞湖邊宿一片危鷗下夕煙

龍井龍王祠 在風篁嶺紹興十八年賜廟額累封爲嘉

應廣濟孚惠王咸淳五年安撫潛說友更創祠宇

咸淳志

寧宗勅昔我高宗千乘萬騎嘗登南山之風篁嶺駐蹕龍湫酌泉于上一草一木咸被昭回之光時維明神實見敬禮涓滴分人通海浹湖興雲出岑澗吳澤越揆以祭式宜有寵褒而封爵未加是爲闕典朕今以徹侯美稱加寵于爾有神珠宮貝闕莫窮其源而華袞輪臺其永有耀尊我都邑振爾光靈可特封嘉應廣濟孚惠王

黃龍祠 在錢塘門外掃帚塢宋淳祐間建以禱雨有應

封靈濟侯賜祠額曰護國明洪武七年卽舊址建祠題今

額

萬歷舊志

徐一夔黃龍祠記黃龍祠在西湖北山之陰自其址斗折而上水泉紺寒深不可測旱不縮而潦不盈有龍居焉故老相傳夏雨初霽時嘗有神物蜿蜒卧于松上其氣蕭蕭然黃蓋黃龍也故世號黃龍洞祠在洞側以棲龍神宋淳祐間無門開禪師有道行嘗說法隆興之黃龍山而歸卓錫茲山之麓見洞中嘗現光怪禱雨輒應或謂龍隨師至云時孟少保珙捐財建寺理宗封龍爲靈濟侯賜額護國龍祠至正末兵燹大作龍蟄不見祠毀歲亦多歉寺僧祖吉屏居南山石屋慨然欲振無門之風詣洞祝曰祖道弗墜龍其來歸乎遂募緣興造洪武七年六月天久不雨民皆憂惶郡守相率致禱三日得大雨遂具木石屬通判王佐董其事卽其故處作祠棟宇翬飛林壑改色題曰黃龍祠者從世所稱也

南高峰龍王祠 在榮國寺後鉢盂潭累封爲孚應昭順

侯咸淳五年七月安撫潛說友以久晴禱潭上覺微雨沾

衣頃之甘澍如傾乃卽故址創廟以荅靈貺

咸淳志

靈應祠 在小麥嶺下飲馬橋側祀宋蔣通通質直孝親

紹興間坐化桐木下七日如生次年疫作是境無恙有父

老夢神人與之語知爲通所庇遂祠以祀之端平丙申境

有虎患禱于祠遂擒二虎嘉熙間觸處旱災境獨雨民賴

以安事聞于朝賜今額

萬歷舊志

葛仙翁祠 在葛嶺相傳晉葛洪煉丹處

舊浙江通志

錢文穆王祠 天福七年十二月以龍山武功堂爲文穆

王廟

吳越
備史

啓忠祠

在忠烈廟西祀武穆王考妣始建年月無考

西湖

志

按宋史武穆傳父和能節食以濟飢者有耕侵其地割
與之貰其財者不責償飛未冠學射于周同能左右射
同死朔望設祭其家父義之曰汝爲時用其殉國死義
乎紹興五年母封鄂國夫人

張烈文侯祠

在東山衙口墓所祀宋張憲景定二年追

封烈文侯

國朝康熙十年巡撫范承謨重建

浙江
通志

唐臯烈文侯祠記侯蜀之閬州人武穆愛將或曰其壻也以功授閬州觀察使御前軍統制宣撫司副都統賊檜與張俊謀陷武穆執憲于鎮江榜掠無完膚卒無可證者遂遇害墓與祠在棲霞嶺西去武穆不遠百步許地曰東山街口正德丁丑創廟宇樹石坊于通衢榜曰宋張烈文侯祠

翊忠祠 在忠烈廟西祀宋施全劉允升全殿司小校也

憤檜手刺之不遂磔于市允升建州布衣也聞岳太尉被

逮詣闕上書訟冤檜大怒下棘寺論死邦人重其義因並

祀之每祭武穆王畢致祭獄卒隗順痛武穆以冤死負屍

潛瘞後孝宗購求敕葬皆順之功萬歷三十年布政使范

涑并祀之

萬歷舊志

洪忠宣公祠 在葛嶺祀宋太師洪皓建炎初使金不屈

柳川府志 卷八
羈冷山十五年放歸賜第西湖葛嶺遂建祠焉理宗時改
爲墳寺元末燬明嘉靖中總督胡宗憲重建尋圯
錢塘縣志祠
基爲豪右所據

國朝雍正中裔孫清塵籲情當事九年總督李衛檄下所司釐

正疆界復祠如舊制

錢塘縣冊

案忠宣集世久失傳今從永樂大典裒輯成編其集中
西湖之詩頗少蓋前此爲金人羈畱者十五年及南歸
又爲秦檜所軋貶謫遠方西湖雖有賜第固不獲安居
也宋史本傳與盤洲集所載行狀年月亦小異云

朱行人祠 在九里松祀宋行人朱弁建炎元年弁副王

倫使金拘留十七年仗節不屈萬歷三十八年提學僉事

陳大綬從高應科議建祠春秋致祭祠久廢

國朝知府馬如龍詳請復之額支錢塘學租銀五兩致祭

舊志

陳大綬詩節旄落盡不知春忠惻堪追屬國塵馬角未生
驕點餘龍髯攀後泣孤臣千秋君父空懸恨萬死艱危豈
顧身若使論功同漢史也應黃閣畫麒麟向杰詩蘇卿
仗節已多年朔漠風高鬚皓然二帝無魂歸魏闕孤臣有
淚洒冰天傾葵白日心常赤橫草黃沙志
亦堅遺像一龕榮祖豆芳名應與鄂侯傳

陳忠肅公祠 在葛嶺祀宋贈太師陳文龍明正德間建

西湖志 宋景炎初興化軍降元公被執至合沙不屈死墓在

智果寺傍

堯山掌外紀

褒忠祠 在瑪瑙寺左祀明監察御史夏誠誠殉土木之

難舊有像附揚清祠有司以揚清非公妥神之所裔孫夏

時登移像專祠

錢塘縣志

旌功祠 在三台山祀明少保兵部尚書贈太傅諡肅愍

于公謙

萬歷舊志

宏治二年訓導儲衍禮科給事中孫縉公子

府尹冕先後陳請命下建祠墓所賜額嘉靖十六年巡按

御史周汝員屬錢塘令李念新之嗣是巡按傅鳳翔閭隣

王紳巡鹽高封相繼協修萬歷三十年改諡忠肅諭祭葺

祠

國朝順治間興修仍令春秋致祭康熙三十一年知府李鐸重

建自爲記

西湖志

張珣詩蒼龍失馭九門開排難功成柱石摧奸黨既萌終
 稔禍聖明非是不憐才兩朝雨露新恩在一夕湖山舊夢
 回惟有旌功祠外水沈沈長使後人哀邵寶詩祠前春
 霧隱緋袍隔岸松聲應海濤伯紀空勤恢復計子儀還重
 廓清勞我陳薄奠聊三獻誰作長歌當一號西望岳墳纔
 數里白雲湖上兩峰高傳瀚詩畫舫西湖午不移偶來
 祠下見風儀功高社稷危疑地恩重春秋祀時遣像比
 生猶有氣前因欲說便成悲傳芳賴有賢京兆風木凄然
 起孝思吳振纓詩一酌空山起暮煙松風嘯雨咽寒泉
 魯陽浪說揮西日媧石誰云補漏天北闕至今回玉壘西
 湖終古祀綿田但令社稷能長在不使荒林叫杜鵑張
 綱孫詩英宗北狩無忠肅社稷安危不可論每憶往時成
 浩嘆可憐遺像此空存蒼苔細雨侵碑字白日寒煙滿墓
 門寂寞祠堂嗟歲老竹深松火又黃昏梁允植詩少保
 祠堂傍水濱雙峰勁節石嶙峋千秋爭拜麒麟塚一代真
 爲社稷臣落日悲風啼燕雀中宵涼露泣松筠奪門將相
 終燐大廟食今看俎豆新顧豹文詩諸生風骨已權奇
 宰相他年識救時片紙雷霆馳萬里孤臣痛哭奠京師君
 民毆亂身難委宗社安危帝自知此舉無名元老死空貽
 壇表繫哀辭張右民詩驚傳萬乘陷輪轅倉卒徒聞朝

野喧直撥風雲開日月重扶板蕩定乾坤奪門好黨邀封爵定國忠臣坐死論夜靜魂來庭殿裏空山鶴唳月黃昏沈欽圻詩宰木豐碑拱墓門旌功祠畔禮忠魂孤臣決策安中國羣小訛傳召外藩共信金符存內府空教熱血囊荒原隔湖相望棲霞嶺兩地沉埋萬古冤朱彝尊詩昔在狼山下軍書犯近城六師輕朔漠萬騎失雷霆土木塵長滿龍蛇歲不寧豆田沙浩浩黍谷路冥冥濟世須元老長材總四溟從容持國計指顧悉兵形瑕呂安羣議劉琨表外廷嗣王仍歷數高廟有神靈既罷金綸欵無煩白馬刑北轅旋翠輦南內啓朱局命已甘刀鏖功真溢鼎銘春秋隆代祀俎豆肅維馨一自軺車至難期候火停遺墟愁戰伐大樹日飄零碧草空祠長黃鸝過客聽霜鐘沉曉月風隔繞明星卞壺誰修墓巫陽數降庭識還思雨帝碑欲墮江亭遠水澄湖碧流雲暗整青千年華表鶴哀怨此經重

孫忠烈祠 在湧金門外祀明孫忠烈公燧公死宸濠之

難嘉靖間建祠于此錢塘縣志

勲賢祠 舊名天真精舍在天龍寺左祀明王守仁以徐

愛冀元亨薛侃鄒守益歐陽德王艮王臣劉魁錢德洪王

畿蕭廩陳善配享

浙江通志

湛若水詩迢迢訪天真歷歷登斯堂
錢塘地位高且深如道不可量哲人久已逝山水空遺光
龜疇列方位顯設天文章平生未一試千載悵相望
我來生感慨久要不可忘陳詞苦不足繼以冀心香

俞公祠 在孤山之陽公名琳字德章臨安人成化丁未

進士官工部尚書豁達有雅量祠臨大池有木香古梅幽

標可賞

西湖遊覽志

邵宏毅祠 初在玉泉山後徙靈鷲山祀明員外郎邵經

邦萬歷初建

國朝康熙辛丑五世孫錫蔭更建祠于湖西之濱並有像錢塘縣志

永賴祠 在西湖葛嶺之西明嘉靖四十八年龐尚鵬以

監察御史按浙行均平條鞭法士民追思萬歷十三年

祠致祭

萬歷舊志

國朝康熙中增祀浙閩總督張存仁西湖志

張瀚龐公祠記南海龐公才具英特按部時進三老具言困苦公檄所屬均賦于民豪家無得脫免而民不重困號曰均平冊仍疏于朝請著爲令蓋公所建卽宋人僱役遺意而抑橫征寬民力其德于浙人甚鉅今去浙三十餘年歌思彌切專祠于西湖之陽誰曰不宜

發祥祠 在南屏山麓祀昌化伯邵林以誕生孝惠太皇

太后也嘉靖十八年建祠墓下賜今額萬歷舊志

褒忠祠 一在棲霞嶺西祀明杭州衛指揮陳善道吳懋
宣冠帶總旗張儒海寧衛指揮滿朝采煉馬呈圖千戶王
繼隆百戶康綬楊臣王相姚寧呂鳳姜楫海門衛立功指
揮俞亨昌國衛百戶陳爵陳表三江巡檢張杲鐵場巡檢
喬仲厚平湖縣典史喬登皆以倭變陣亡海寧衛赭山長
沙灣等處嘉靖三十二年巡按御史趙炳然請于朝祠祀
一在棲霞嶺東改鳳林寺爲之祀明遊擊將軍宗禮都指
揮邵昇指揮僉事姚泓贈指揮僉事于岳皆以倭變陣亡
柘林三里橋等處嘉靖三十七年總督胡宗憲請建祠春

秋致祭

浙江通志下同

陳仕賢碑記全浙地富寰宇東南襟帶滄溟潮汐吞吐洪
濤之中扶桑之涯有卉服焉限隔山海依島爲國自秦始
芽蘖也在漢爲倭在唐爲日本逮宋元遂爲邊患我太祖
高皇帝惡其黠絕之不通自是屢寇東陲卒賴大帥劉江
之力百有餘年海上晏然民不知警余初蒞杭見杭俗奢
靡勲臣尺籍與齊民伍漫不知兵甲心竊憂之余旣去不
及兩紀而變作矣于是昭勇將軍陳善道死之將軍故余
門人也儀豐而質穎慷慨倜儻出于天性而學以成之自
少有大志每誦岳武穆文官不愛錢武將不惜死之語則
明目張膽言于其父父鳳奇之長遊郡庠文日有名繼登
武舉進士擢爲衛使以謀勇稱檄督漕艘勵枕戈之志抗
飲泉之節部臺屬望焉俄而緣邊亡命挾彼島夷以殲虍
至太平旣久人民驚潰武夫辟易無敢禦者將軍承督撫
令奮力元戎冒霧而却其前鋒望煙而知其將遁合圍急
擊斬獲甚多未幾流倭千餘犯我赭山赭實江海關隘事
出倉卒城中震恐將軍復承委命卽日率民兵三百徒步
七十里赴賊營不遠詰明與賊遇將軍盛氣而前射殺六
人梟首一級賊大驚進迫烏合之衆一時瓦解將軍獨戰
于淳浦中驛滑蹶仆負傷揮刃猶中賊額遂洞脇而絕壯
士潘賓王貴感憤亦赴關死實癸丑四月八日也明日得

屍怒目不瞑面色勃勃如生云博士諸生請于當道上其事于朝天子愍之特敕建祠於平烈哉晉有狼瞞唐有花卿宋之楊業我明花雲將軍奚愧焉余茲典藩得悉將軍殺身之實且與而父有舊雅也顧瞻于祠于是重有感焉而風化攸繫恐既久而實因以泯也爰作些詞俾邦人歲祀歌之用以示勸云

按萬歷志二祠俱在棲霞嶺東而祀陳善道等者名忠烈祠今統作褒忠從通志也

阮公祠 在武林門外祀明都御史阮鶚扁額忠定隆慶六年建

國朝雍正八年總督李衛重葺

鍾忠惠公祠 在西湖跨虹橋左祀明河南僉都御史鍾化民化民以勞于王事卒萬歷中奉旨建祠河南後因郡

人請建祠西湖之濱

西湖志

李公祠 在錢塘門外響水閘明崇禎十年建祀興化李

思敬號槐臺萬歷辛卯舉人初令永豐有善政權北關清
惠愛商不增稅而常課足杭人德之請祀名宦并祀其子
長倩字瞻麓

國朝康熙間重建刻額曰興化祠

錢塘縣志

惠獻貝子祠 在孤山之陽祀寧海將軍固山貝子謚惠獻

福喇塔康熙甲寅奉

命帥師掃除耿逆平定溫台使浙東西億萬生靈安于衽席浙人

歌思建祠湖濱歲時報祭

西湖志

皇帝

葉臣遇寧海將軍固山貝子保台遺愛碑

御宇之十二年奄有中外悉主悉臣乃偃武修文諸藩鎮
例解兵柄而三孽于以方苞明年甲寅耿精忠叛于閩六
月賊帥曾養性攻溫州八月率賊將朱飛熊水陸十餘萬
陷黃巖進薄台州是時變起倉卒逆焰方張外邑山僻土
賊又乘機蜂起四出剽掠孤城危岌勢且不支十有一月
寧海將軍自錢塘飛渡來援民慶更生商販蜩集賊薄城
下隔江水爲陣築長圍以困我晝夜矢石不絕貝子親督
將士悉力拒守賊計無所出攻稍懈乃突出精銳擊之賊
敗去賊間諜楊御雲邱文挺揚士驍輩潛覷軍中貝子察
其有異密令巡道楊某偵得之礮于市賊氣益沮仙居在
郡西北爲右臂接壤天台台先爲賊據時侵大邑斷我師寧
紹餉道貝子乃陽治浮橋與賊會戰陰遣勁兵攻茅坪遂
復仙居取梁蓬出賊後賊遂大潰轉戰而前旋復黃巖太
平方克仙居時諸將以不早降例以子女充給有功貝子
惻然憫之令聽民取贖民大感悅歌之曰貝子仁仁莫加
昔無室今有家軍行輜車糧糗需役甚繁有請拘行旅充
役者貝子不從行旅聞之莫不感泣先是溪口大芬各鄉
民爲賊所迫多以芻糧助之諸將執法請勦貝子悉宥之
台民感貝子之賜卽感貝子所以廣

朝廷好生之賜會議建祠而俎豆之
于是節其要實壽諸麗牲之石

范公祠 在孤山之麓卽四賢祠舊址祀

國朝浙江巡撫范公承謨字覲公順治壬辰進士以學士出撫
浙晉福建總督死耿逆之難浙人哀思建祠崇祀並祀同
死之友嵇永仁王龍光沈士章林能任四人給學租銀春
秋有司致祭後公子時崇總督浙閩重爲修建于山麓別

建亭奉公書勾留處扁額懸之

錢塘縣志下同

李之粹祠記略孤山之麓自林處士至今數百載憑弔遺
踪者每有撫今追昔之感往范公以中丞撫浙時卽其故
址構亭補梅聿復舊觀慕先賢之芳躅績久廢之勝遊繼
奉

簡命督師七閩乃值逆藩倡亂肆虐忠貞浙人慕德興
志因立祠于放鶴亭側蓋亦羊公之墮淚碑矣

陳公祠 在孤山湖濱祀

國朝按察僉事謚忠毅陳丹赤公殉耿逆難內有亭奉

御翰名垂青史額公祠一襲官浙糧儲特建

諾公祠 在鳳林寺左祀

國朝鎮浙將軍宗室諾羅布將軍恤兵愛民

聖祖仁皇帝御書天潢維翰四字賜之後浙民請建祠于西湖之

濱祠內有君子泉敦詩說禮堂

西湖志下同

李文襄公祠 在葛嶺之陂祀

國朝文華殿大學士吏部尚書前浙江總督李之芳雍正八年

總督李衛以廢祠改建

王公祠 在藕花居湖山書院祀

國朝巡撫都御史王國安字康侯奉天蓋州人康熙壬戌以學士撫浙整飭官方除暴安民善政種種不二載遷制府移鎮三衢尋調閩督浙民懷德建祠孤山照膽臺左丁亥公嗣某任船政同知詳請移建今處士民復捐置地蕩七畝有奇公嗣又捐葺蓮宗菴命僧奉祀供洒掃

錢塘縣志下並同

敬一祠 在孤山四賢祠側祀巡撫趙公士麟號玉峰雲南人康熙甲辰進士甲子來撫浙兵輯民安濬城河自江干至湖墅皆通舟楫往來便利民咸德之時講學湖濱及內擢卽其地建祠後并祀巡撫張泰交號泊谷山西人康

熙壬戌進士居官廉正不爲苛刻之行亦難少犯其顏色
卒于官邵遠平爲肖像同奉于祠

吞金祠 在葛嶺卽錢塘諸生吳錫妻戴烈婦墓所烈婦
年十七歸錫以讀書勞瘵嬰疾婦甫歸卽侍湯藥歷三載
疾革誓請先死及屬纊遂以首觸柩血流被面家人驚救
其母慰之婦曰女從嚴命以身適人義惟從一不能兩全
奈何舅復沮之婦曰翁有叔可奉事未亡人年少無所出
分宜從夫地下遂從容拜別尊屬勺水不入口凡可求死
者無不爲之以環伺不獲最後紿小婢屑金簪并壞玻璃
器仰吞之嘔碧血數升死里民紳士上其事

旌表建坊復贖金建祠今處

郭公祠 在湖口一橋祀

國朝總督浙閩刑部尚書郭公世隆時康熙三十四年適科臣以鹽法小票改爲大引歲可增課萬計貧民驚恐公下車卽奏仍其舊又前撫鼓鑄錢奉行非法公不俟奏疏封爐發帑收錢衆始帖然尋移節兩廣遂相率攀轅建祠以祀汪公祠 在西湖孤山祀督學侍讀學士汪公潞康熙五十六年郡紳士公建有公明第一歌

馬公祠 在孤山麓祀

國朝江西巡撫馬如龍號見五綬德人以部郎督杭北樵尋爲

杭郡守有善政聲超擢本省按察旋陞布政復巡撫江西
士民謳思建祠以祀

督學太倉王公生祠 在跨虹橋卽西湖書院奉王公揆
號額菴庚戌進士以春坊督學兩浙時初改提學爲學院
至則肅憲綱端士習正文體悉拔寒畯士林戴德遂建祠
蕭山毛奇齡爲之碑記

督學彭公生祠 在錢塘門外片石居之左一名南陽書
院奉閣學彭公始搏號方川南陽人戊戌進士康熙四十
六年督浙學所甄拔悉寒畯有實學者廉聲上達

賜公明盡職扁額輿論翕然去之日羣構祠郤遠平有記

杭州府志卷八終